



सानसेयारि 'बड'सा' खरीरालाइयाव  
समाज्यादि जिउजो लोखा थनाय रायथाय, खन्थाय,  
सल', सल'बाथा आरु हावबायादि थावनि, पार्क  
बाइदिनि स्यायव निरुनाय निरुबिबां दैथाय डर!  
सानसेयारि 'बड'सा' खरीरालाइया सेबरानानै  
फोसावगोन।  
बड'सायाव निरुडरनायनि डुबा खालाम,  
'बड'सा' खरी नोथां, जो बयबो आंगो खालाम।  
सानसेयारि बड'सा मावखुनि  
माडुबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

★ BODOSA ★ A Bodo News Daily ★ Friday ★ 10 May, 2024 Kokrajhar, BTC, Assam ★ Vol.- 34, Issue No. 44 ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

## आसामनि गेजेरावनो आर्टस बिफानआव बाक्सा, बिगियानआव तामुलपुर आरो कमारसआव शिबसागर जिल्लाया गोजौसिन मासि आवग्रिदों

गुवाहाटी, 9 मे: दिने गोजौसिन गेजेरारि फरायसालिनि जोबथा आन्जादिनि फिथाइ फोसावनायखो नुनो मोन्दों। सिगांनि गासैबो रेबगनथिखो नो बे खेबआव सिमफायनानै उथिसारनायनि हारआ गोबांसिन जादों। अदेबानि बे खेबनि फिथायाव जेबो रोखोमनि मासि आवग्रिनानयनि फारिलाइखौ काउन्सिलआ फोसावआखै। बे  
( 5 बिलाइआव )



गोदान दिल्ली, 9 मे: बिजेपिनि मख'जाथाव मुंदाखा स्टर केम्पेनार आसामनि गिबि मन्थि उ हिमन्त बिश्व शर्माआ दिने उरिष्याआव लकसभा आरो बिधान सभा बिसायख'थिनि फोसावदिनायावव मैखोमे बाहागो लानो हानायखौ नुनो मोन्दों। रइज्योनि मलकनगिरिनि नबरपुर लकसभा बियाब, चित्राकान्दा आरो आशका  
( 5 बिलाइआव )



## फैगौ सान 5 नि गेजेराव राइज्योनि माखासे जिल्लायाव गोमो गाबनि सांग्रथि फोसावदों

डिजिटल डेस्क, 9 मे: फैगौ सानबानि गेजेराव गोनांथि गैयाव न'निफ्राय बाइजोयाव थानो नाड। बे समाव हायोब्ला गोलाव दावबायनायखो दोन्थ'। मानोना जायखि-जाया समावो नोथाड अलकदयाव गोर्लैनो हागौ। गुवाहाटीनि बरझाराव थानाय ओन्सोलारि बोथोर बिगियान मिरुआ फैगौ सान 5 नि थाखाय  
( 5 बिलाइआव )

## 65 बोसोराव हिन्दु सुबुं अन्जिमाया 7.8 जौखोन्दो बाडाय जादों

### मुसलमानफोरा सरकारि रिपर्टनि बायदियै 43.15 जौखोन्दो बादों



गोदान दिल्ली, 9 मे: 1950 माइथाइनिफ्राय 2015 माइथायसिम भारतआव हिन्दुफोरनि सुबुं अन्जिमाया 7.8 जौखोन्दो गाहायाव फेदों। जेराव मुस्लिम सुबुं अन्जिमाया 43.15 जौखोन्दो बादों। बे बाथ्राखौ गाहाय मन्थिनि रांखाथियारि बोसोनगिरि गौथुम (इएसि-पिएम) नि फोरमायथियाव फोरमायनाय जादों। रिपर्टआव बेखौबो बुनाय जादोंदि जैनफोरनि सुबुं अन्जिमायाबो  
( 5 बिलाइआव )

## उपमा बर'आ एडसएस जोबथा आन्जादआव बड'एम आइ एलआव बांसिन नाम्बर मोनदों

बड'सा थान्दे/मुसलपुर, 9 मे: बाक्सा जिल्लानि सिखव थानाय बरमा इमपायर एकाडेमिआव फरायनाय फरायसुलि उपमा बर'आ आसामनि गेजेरावनो बड' (एम आइ एल) आव जौसेयाव 97 जौखोन्दो लानानै सेथि थाखोआव उथिसार जानो हादों। लोगोसे मिनिस्त्रि बर'आ बाक्सा जिल्लानि गेजेरावनो 90.2 जौखोन्दो लानानै इराजो, एम आइ एल, पिजिक्स के मेस्ट्री बायलजिआव लेटर मार्क लानानै उथिसार जानो हायो। दिने एडस एस आन्जादिनि फिथाइखौ फोसावबाय। बे फोसाव जालानायाव एडस एस जोबथा  
( 5 बिलाइआव )



आनजादाव आसामनि मादावनो आरिमु आयदायाव बाक्सा जिल्लाया नैथि मासि आवग्रिनो हायो। मख'जाथावदि बे फोसाव जालानायाव आन्जादाव बाक्सा जिल्लानि बेन्दोंआव थानाय इमपायर एकाडेमि बरमायाव  
( 5 बिलाइआव )

फरायनाय फरायसुलि उपमा बर'आ आसामनि गेजेरावनो बड' (एम आइ एल) आव जौसेयाव 97 जौखोन्दो लानानै उथिसार जानो हायो। बिथोड इमपायर एकाडेमिआव गोनाखो आदायाव फरायनानै बड' (एम आइ एल), पिजिक्स, बटानि जुवल'जि आरो केमेस्ट्री मोनब्रे आयदायाव लेटर  
( 5 बिलाइआव )

## एनजिटिआ हाग्रा ओन्सोलनि सिखव फरायसालि, भटमिरु, साहा बागान खालामनायनि आसाम सरकारनिसिम सौथि दैखदों

गुवाहाटी, 9 मे: बावसे सान सिगां आसाम सरकारआ माहारियारि सोमखोर नायबिजिसनायाव (एनजिटि)गथायनाय समायखिरा लानायाव रायखोनाय बायदिब्ला, रइज्योआव मोनसे हाग्रानि जिब-जुनाद हाग्रा ओन्सोल आरो साखाथिनि सरेखाथियारि हाग्रा खोन्दोनि सिखव गोबां फरायसालि, 5 कि:मि: लावथायनि मोनसे लामा, साहा बाहागान दैखर आरो भट आजावग्रा मिरु सोरबिनायखौ नुनो मोनाय जादों। एनजिटिआ होनाय बिथोनआव आसामनि हागाइ बिबानगिरिखौ हाग्रा (सरेखाथि) आइन 1980 खौ नेवसिनानै आइन बेरेखायै लुफुनानयनि गनायथि होनाय बिबानगिरिफोरनि गुदिखिथा समायखिरा होफानानै गथायनो बिथोन होनाय जादोंमोन। 2 मेआव बिजिरगिरि सोद्रोमा बिजिरगिरि बि. अमित स्टेलेका आरो जर'खा सोद्रोमा अरुन कुमार भार्माआ होनाय बिथोनआव फोरमायनाय दमोनदि, 2017 माइथायनिफ्राय बेबायदि आइन बेरेखा हाबाफारि खालामनो होनाय हागाइ हाग्रा  
( 5 बिलाइआव )

## बिमानि रावआनो गुन गोनां सोलोथाइ लानानै जिउआव जाफुंसार जानायनि साबसिन लामा: दिपेन बर'

देकियाजुलि, 9 मे: सनितपुर जिल्ला दुलाराय बर' फरायसा आफादा गुबुन बोसोरफोरनि बादिनो देरलाइबो बर' बिजोडव फरायनानै मेट्रिक आन्जादआव सेथि मासियाव उथिसारने जिल्लानि गेजेरावनो 10थि मासि आवग्रिनो हानाय फरायसाफोरखौ दिने बातासिपुर मिलन गेजेर आरो गोजौ फरायसालिनि गेलेग्रा फोथाराव  
( 5 बिलाइआव )



सानसेनि मेहेर गोनां हाबाफारिजों बरायदों। बे बरायनाय हाबाफारिखौ बेखेवनानै होयो मिरु एबसुनि सासे नेहाथारि बिरदाव बर'आ आरो बे हाबाफारियाव गाहाइ आलासि महेर बाहागो लायो दुलाराय बर' फरायसा आफादिनि आफादिगिरि दिपेन बर'आ। गाहाइ आलासि महेर बाहागो लानानै  
( 5 बिलाइआव )

## एपिएससिनि सिगांग्रो आन्जादिनि फिथाइ फोसावबाय

गुवाहाटी, 9 मे: आसाम सुबुं सिबिथाय आयग (एपिएससि)नि 2023 बोसोरनि जथाय बादायलु सिगांग्रो आन्जादिनि फिथाइखौ दिने फोसावनाय जायो। फिथाइनि बादिने गासै सा 2898 आन्जाद होगिरिफोरा उथिसारनानै लिर्थि आन्जादिनि थाखाय हारोथाय मोनो हादों। बेनिनो गासै सा 719 आन्जाद होगिरिफोरा आइजो, सा  
( 5 बिलाइआव )

## आमेरिकाया भारतखौ दिदोमथि गैयै खालामनायाव नांथाबदों: रासिया

गोदान दिल्ली, 9 मे: सोलोगोनां लोगोआरि हादोर आमेरिकानि एजेन्सिफोरा माब्लाबा-माब्लाबा भारतनि धोरामारि उदासिनि आयदायाव खालिस्तान मददगिरि उतखारि गुरपतवन्त सिंह पन्नुखौ बुथारनो फाव फान्दायनायनि अजदजों बेंखन जागासिनो दं। बेबादि थासारियाव भारतनि गोजाम बाहागोआरि रासियाआ भारतनि मददआव वेवलाडे ओंखारबेदों। रासियाआ बुंदोंदि आमेरिकाया  
( 5 बिलाइआव )



भारतखौ दिदोमथि गैयै खालामनो नाजागासिनो दं। पन्नुखौ बुथारनायनि फाव फान्दायनायनि बेलायाव, रासियाआ बुंदोंदि  
( 5 बिलाइआव )

## एडसएस आन्जादआव कलाइगाव गोजौसिन गेजेरारि फरायसालिआ 100 जौखोन्दो जाफुंसारदों

कलाइगाव, 9 मे: दिने फोसावजानाय गोजौसिन गेजेरारि फरायसालिनि जोबथा आन्जादिनि फिथायाव कलाइगाव गोजौसिन गेजेरारि फरायसालियाव गासै सा 41 फरायसा-फरायसुलिफोरनि गेजेराव सा 41 आनो उथिसारनो हानायखौ लानानै फरायसालिनि फरायसा-फरायसुलिफोर, फोरेंगिरिफोर आरो दिथागिरिफोरनि गेजेराव रंजाखांनय थासारि सोमजिनायखौ नुनो मोन्दों। गुबुन फासैथि ज्ञानदिप सेनियर सेकेन्डरि  
( 5 बिलाइआव )

## एडसएस फाइनाल आन्जादिनि फिथाइयाव सालबारिनि गं 5 फरायसालिनिफ्राय 100 जौखोन्दो उथिसारदों

सालबारि, 9 मे: सोलिफु गोजौसिन गेजेरारि (एडसएस) फाइनाल आन्जादिनि फिथाइया दिने फोसावजानायाव 100 जौखोन्दो उथिसारजों बाक्सा जिल्लानि महकु मा सदर सालबारिनि गोजौ थाखोनि सरकारि सोलेंथाय फसंथान सालबारि गोजौसिन गेजेरारि फरायसालिनि फरायसुला-फरायसुलिफोरा ओन्सोलनाडे गोगाखां होनो हादों। दिने फु डाव फिथाइ फोसावजानायनि उनावनो फरायसालियाव फरायसाफोरा गोजोन रंजाथाय लानायजों लोगोसे फोबोनि थासारि बायदि सोमजिदों।  
( 5 बिलाइआव )



## एडसएस जोबथा आन्जादिनि फिथाइखौ लानानै कक्राझारआव रंजानायनि दोहौ

नेसनेल केरियार इनस्टिटुटआ 100 जौखोन्दो जाफुंसारदों

कक्राझार, 9 मे: आसाम गोजौसिन गेजेरारि सोलेंथाइ काउन्सिलनि बावेंसो फोसावजानाय जोबथा आन्जादिनि फिथाइ फोसावनाया कक्राझार जिल्लायाव आर्टस बिफानआव उथिसारनायनि हारआ 84.64 जौखोन्दो, बिगियान बिफानआव 83.70 जौखोन्दो आरो कमारस बिफानआव 82.14 जौखोन्दो। जिल्लायाव आर्टस बिफानआव सा 7,714 फरायसाफोरा आन्जादआव बाहागो लानायनि गेजेराव गासै सा  
( 5 बिलाइआव )



6532 आ उथिसारनो हादों। बेनिनो सेथि थाखोआव सा 772, नैथि थाखोआव सा 1891 आरो थामथि थाखोआव सा 3869 आ उथिसारनो  
( 5 बिलाइआव )

बड'सा थान्दे/उदालगुरि, 9 मे: उदालगुरि जिल्लानि सिखव थानाय हरिसिंगा ओन्सोलनि बरयनिखुडबो गोजामसिन गियाननि बाखि थामहिनबा हरिसिंगा गोजौसिन फरायसालिया सानसेनि मेहेर गोनां हाबाफारिनि गेजेरजों फैगौ 11 मे अक्ट'खालि बारा' फरायसाफोरनि लोगो हमनाय सेथि जथुम्मा हाबाफारि खुनो थाखाय साखा-फारा जादों। मख'नो गोनांदि, हरिसिंगा ओन्सोलनि गोर्लैसोनाय गामिफोरनि फरायसाफोरखौ सोलेंथाइ बिथिखव जौगालु गियान  
( 5 बिलाइआव )



## एडसएसनि जोबथा आन्जादआव तामुलपुरनि गोबां सोलेंथाइ फसंथानफोरानो 100 जौखोन्दो जाफुंसारदों

तामुलपुर, 9 मे: दिने फोसावजानाय गोजौसिन गेजेरारि फरायसालिनि जोबथा आन्जादआव तामुलपुरनि गोबां सोलेंथाइ फसंथानफोरनि फरायसा-फरायसुलिफोरा 100 जौखोन्दो उथिसारनानै तामुलपुरनि थागिबिफोरनिसिम गोगाथाव थासारि लाबोनो हानायखौ नुनो मोन्दों। खोरं मोनाय बायदिब्ला, गोजौसिन गेजेरारि फरायसालिनि जोबथा बोसोरनि आन्जादिनि आर्टस बिफाननि आन्जादआव कुमारिकाता मौजानि सोलेंथाइ  
( 4 बिलाइआव )

होनायजों लोगोसे ओन्सोलाव सुबुं सम्पद सोरजिनानयनि थाखियै 1931 इं माइथायाव गायसनजानाय हरिसिंगा गोजौसिन फरायसालिया 93 बोसोराव आगान होबाय। बे फरायसालियाव सोलेंथाइ लाखांनयनि उनाव दिनेसिम राजखान्थि बिथिखव सोरबाबा एमएलए, एमसिएलए, गोजौ मान थाखोनि आर्नि मावखगिरि, आसाम पुलिस, हादतआरि  
( 5 बिलाइआव )

## एनके दरडायाव ड्राग्सनि बेरेखायै सांग्रथि हाबाफारि खुंफुदों



तामुलपुर, 9 मे: तामुलपुर जिल्लानि बेंखनाव थानाय एनके दरडायाव ड्राग्सनि हेंथायै मोनसे सांग्रथियारि हाबाफारि खुंफुनायखौ नुनो मोन्दों। एनके दरडा आइजो समाजनि बान्जायनायाव आरो आडारकाला सान्जार्जो ससाइदिनि हेफाजाबआव खुंफुनाय दिनेनि  
( 5 बिलाइआव )

शभ'लिन  
इमलियेन्ट  
आरोबाव गोजों आरो  
बिगुरनि थाखाय मुलाम्फा गोनां



## सुजुगिरिनि खोलोम

### बाथानि दावहा

बिसायख 'थिनि दावहा एबा रोनि होन्नाने बुडेव्हा गुबैये राजखान्थि दोलोफोरनि गेजेराव बिसायख 'थि गेलेनायखीनो मिबथिनाय जायो। बिसायख 'थि दावहायाव बाथानि बानजो रडजो-रजा भटारफोरनि गोसोखो जे खालामनाने गावबा गावनि दोलो एबा बिजाथिनो भटारफोरनि बेसेन गोसा भटखो होहोनायनि दावहा। बे दावहायाव हाथियार नड, इभिएम नि गेजेरजोसो बिसायख 'थि दावहाखो खुंनय जायो। सिगांफोर समाव इभिएमनि सोलाये बेलट पेपारनि हेफाजाबैसो भट खुंनय जायोमोन। बेलट पेपारजो भट खुंनयाव गोबाव समनि गोनाथि जायोमोन। आथिखाल इभिएमनि हेफाजाबै भट खुंनयाव गोलैसिन जानाने फैनाय जो नुनो मोनो। जोनि हादतआव बिसायख 'थि फोबाया बोसोरबानि उन उन खुंजाबाय थायो। बेयो पालियामेन्टनियानो जा एबा एसेमब्लिनियानो जा एबा बड'लेन्ड टेरिटोरिएल काउन्सिलनि बिसायख 'थियानो जायामानो। बोसोरबा सम जोबनयनि उनावनो बिसायख 'थि खुंनगौया जोनि हादतनि मोनसे माननो गोना संबिजगरि हाबाफारि। बिसायख 'थिया फैयो आरो थाडे। बेबादिनो खुंथाय गोहोयावबो सोलाय-सोल' जानायखो जो नुनो मोनो। राजखान्थि दोलोफोरनि दैनेगिरिफोरगबो बेबादिनो दोलो सोलाय-सोल' खालामनाय, गावनि दोलो नागारानाये गुबुन दोलोयाव हाबैनाय सोलिबाय थानायखो नुनो मोन्याय जायो। गुबैये बिसायख 'थिनि सम सौफैयोक्ला दोलोफोरनि दैनेगिरिफोरगबो लानाने मदतगिरिफोरखोबो दोलो नागारानाय, गुबुन दोलोयाव हाबैफैनायनि दुहुम जानायखो नुनो मोनो। सानसे बैजोक्ला गाबोन गुबुन सासेजो लोगो जाहैनायानो जादो सुबुनि धोरम। अरय सम गावजो गाव गोरोबलायनाने थानायानो सुबु समाजनि हाबा। राजखान्थियाव गात्रि मोनलायनाय आरो मोजो मोनलायनायाबो दान्दिसेनिल'। बेखानयो सादा-बुसा मानवाने जाग्रा सुबुफोरनि थाखाय राजखान्थिखो लानाने सोलिया धुन्त्यायनायाव सोखा लोगो, सोरबा सुधुर होनायखो गोथोये सान्को गोनांबो गैया। बिब्जिजो गावजो गाव अनलायनयनि दौलेंआ गोखो जानायनि सोलाये थासारिया गात्रिसिन जालानायनिसो लामा लायो।

दासान्दि बिसायख 'थि खुंनो मोनबै खोलोब आद्रा दंबावयो। बे समाव हादतनि गुबुन गुबुन रडज्योफोरगबो फोसावर्दिनायनि दुहुम जानायखो नुनो मोन्दो। बिसायख 'थिनि फोसावर्दिनाय समाव दैनेगिरिफोरनि बुंनया रवफोरखो लानानेबो गिदरि आरो गोब्राब बाथ्रा दान्थेलायनाय जानायखो नुनो मोन्याय जायो। बिसायख 'थिनि फोसावर्दिनाय समाव बाथ्रा बानजो गागलोबलायनाने मोनसेया गुबुन मोनसेखो भटार रडजो-रजाफोरनि गेजेराव गात्रि मोनहोन्नाने गावनि फासै लोबोनो दैनेगिरिफोरग सोलोखान्थि बाहायनायखो नुनो मोनो। रडजो-रजानि गात्रि मोन्याय बाथ्रा आरो खहा जाथावना खामानिखो गोनांथार आयदा महरै लानाने मोनसेया गुबुन मोनसेखो बाथ्रा बानजो गागलोबलायनाय बिसायख 'थिनि समाव नुनो मोन्याय जायो। बावैसो सिगां कंग्रेसनि दैनेगिरि सैम पित्रदा मुनि सुबुज भारतआरिफोरखो बोरोन आरो महर मुखिखो लानाने खोला भारतनि सुबुफोरखो आफ्रिकान, सोनबा बाहागोनिको आरखनि, साहानि सुबुफोरखो इउरपनि आरो सान्जानि सुबुफोरखो चीननि सुबुफोर बादि नुयो होन्नाने लाजि फोनांनय आरो दुखु होनाय बिबुथिखो लानाने दासान्दि कंग्रेसनि हंथाये गोखो अजद लोबोनयखो नुनो मोन्दो। बिसायख 'थि समाव बेबादि बिबुथि होनाया कंग्रेसनि फासै खहा लोबोनो हागो होन्नाने गोबाडनो सान्याय फोसमायदो। राजखान्थिखो लानाने बाथ्रा बानजो गागलोबलायनाया जाथावना, नाथाय बेनि सोलाये गुबुन लामाजो आगान सुबुरोक्ला बेयो माब्लाबाबो गनायथाव जानो हाया। बेखानयो राजखान्थिनि थाखाय बिदा-फैबायनि गेजेराव गनायथावै थासारि लोबोनाया गोजोननि बेरेखा होन्नाने बुनो हायो।

## दिनेनि फान्जामुथि

### राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध ध (ढ फ) मकर : ख ज कुम्भ : ग श (स) मीन : द च (ख ज झ)

- मेष :** जेखि जाया गोसोखो लोरबां लानो नाड। सांयां जानाने थानांगोन।
- बृष :** जेरैबो रंजा-बाजा खालामनो हागोन। गोजोन सम बारहोनो हागोन। मोजां सम।
- मिथुन :** बहाबाफोर दावबाय हैनो मोन्नो हागो। गोजोनायखो मोन्नो हागोन।
- कर्कट :** मोजां मोनलायनायनि दौलेंआ गोर जागोन। अनलायनाया थाबाय थागोन।
- मिंह :** लोगो जालायनाया बांगोन। लोगोनिक्राय माबाफोर मोन्नो हागो। मोजां सान।
- कन्या :** जेबो जेंना-जैसि गैया गोजोनै थानो हागोन। फारफोरमबो मोजां।
- तुला :** जेखियानो मावा फालांगिरिनि थाखाय मोजां सम। रंखावरि मुलाम्फा मोन्नो हागोन।
- बृश्चक :** नख'र संसाराव जौगानायखो मोन्नो हागोन। जेखि मावा गोजोन मोनगोन।
- धनु :** बेराम गोनां सुबुज सांयां थानांगोन। मोजाडे डकटरनि बोसोन मानिनांगोन।
- मकर :** जेखियानो जाया गोथार खामानि मानवाने लानो हागोन। सान्याय मिजिंआ जाफुनो हागो।
- कुम्भ :** गोसोनि जिगा सिनाया बांनो हागो। गोसोखो लोरबां लानो नाड।
- मीन :** साखि मावग्रानि थाखाय मोजां खोरां मोन्नो हागोन। गोदान मासि मोन्नो हागो। मुलाम्फा जागोन।

# भारतआव हिन्दुफोरा 7.82 दावख्लायदो आरो मुस्लिमफोरा 43.15 जौखोन्दो बारायदो: रिपर्ट



**गोदान दिल्ली, 9 मे :** गाहाइ मन्थिनो बोसोन होग्रा इक 'नमिक एडभाइजारि काउन्सिलआ जोबोद जर'खा अन्जिमा फोसावदो। काउन्सिलनिक्राय फोसावनाय मोनसे वाकिं पेपारनि बायदिव्ला, भारतआव 1950 माइथायनिक्राय हिन्दुफोरनि सुबु अन्जिमाया गिदरि दावख्लायनाय नुनो मोन्दो। फारसेथिं मुस्लिमफोरनि अन्जिमाया गोखेये बारायदो। हिन्दुफोरनि सुबु अन्जिमायाव दावख्लायनायनि ट्रेन्डखो नेपाल आरो म्यानमारआवबो नुनो मोन्दो। फारसेथिं दर 38 मुस्लिम हादतफोराव बिसोरनि सुबु अन्जिमाखो बांसिन्नाय नुनो मोन्दो। इक 'नमिक एडभाइजारि काउन्सिलनि रिपर्ट बायदिव्ला भारतआव 1950 निक्राय 2015

नि गेजेराव हिन्दुफोरनि सुबु अन्जिमाया 7.82 जौखोन्दो दावख्लायदो। फारसेथिं बे समाव मुस्लिमफोरनि सुबु अन्जिमाया 43.15 जौखोन्दो बांदो। सरासन्नायै 1950 माइथायाव हिन्दुफोरनि सुबु अन्जिमाया 84.68 जौखोन्दो दडमोन, जाय 2015 आव

78.06 जौखोन्दो जाफैदो। बे गोलाव समाव हिन्दुफोरनि सुबु अन्जिमाया 7.82 जौखोन्दो दावख्लायदो। फारसेथिं मुस्लिमफोरा भारतआव 1950 माइथायाव 9.84 जौखोन्दो दंमोन, जाय 2015 आव बांनाने 14.09 जौखोन्दो जादो। 1951-2015 नि गेजेराव

मुस्लिमफोरनि अन्जिमाया 43.15 जौखोन्दो बांदो। रिपर्टनि बायदिव्ला भारतआव एसेल' सुबु अन्जिमा थानाय हारि एबा मुस्लिमफोरग रैखाथि गोनाडे दड आरो जोबोद मोजाडे जाखांबोनो हादो। भारतआव मुस्लिमफोरनि अनगायै शिख आरो क्रिस्टियान धोरोमारिफोरनि सुबु

अन्जिमायाबो बांबोदो। रिपर्टआव बुंदोदि, भारतआव शिखफोरनि सुबु अन्जिमाया 6.58 जौखोन्दो आरो खूट्टनफोर 5.38 जौखोन्दो बांदो। अदेबानि हादतआव फारसि आरो जेन धोरोमारि सुबुफोरनि अन्जिमाया खमायबोगासिनो थादो। बवेबा गोबां मुस्लिमफोर थानाय हादतआव सुबु अन्जिमायाव सोलायनायनि बे ट्रेन्डआ एसे आलादा। फोसावजानाय रिपर्टनि बायदिव्ला दर 38 मुस्लिम बांसिन थानाय हादतफोरग मुस्लिमफोरनि सुबु अन्जिमाया बांसिन्दो। पाकिस्तानआव 1950 माइथायाव मुस्लिमफोरा 77.45 जौखोन्दो दडमोन। आथिखालाव बिसोर 80.36 जौखोन्दो जाफे बाय। आफ गानिस्तानआव

मुस्लिमफोरनि अन्जिमाया 88.75 जौखोन्दोनिफ्राय बांनाने 89.01 जौखोन्दो जाफैदो। फारसेथिं मालद्विपआव मुस्लिमफोरा 99.83 जौखोन्दोनिफ्राय दावख्लायना 98.36 जौखोन्दोआव सौफैदो। अदेबानि बेयो सरासन्ना दावख्लायनाय अन्जिमा। बे रिपर्टआव म्यानमारनि बौद्ध धोरोमारिफोरनि सुबु अन्जिमाखो 78.53 जौखोन्दोनिफ्राय 70.80 जौखोन्दो, श्रीलंकायाव बौद्धफोरा 64.28 जौखोन्दोनिफ्राय बांनाने 67.65 जौखोन्दो आरो भुटानआव बौद्धफोर 71.44 जौखोन्दोनिफ्राय 84.07 जौखोन्दो जाहैदो। बेराफारसेथिं नेपालनि सुबु अन्जिमाखो नोजोर होयोक्ला हिन्दुफोरनि अन्जिमाया 84.30 जौखोन्दोनिफ्राय दावख्लायनाय 81.26 जौखोन्दोआव फैदो।

## टाटा पावारनि एन्टिग्रेड नेट प्रफिटआ जोबथा 3 दानाव 11 जौखोन्दो बांदो



**गोदान दिल्ली, 9 मे :** टाटा पावारनि एन्टिग्रेटेड नेट प्रफिटआ थानाय रंखान्थि बोसोरनि 4 थि 3 दानाव बोसोरारि बिथा खालामनाय बायदियै 11 जौखोन्दो बांनाने 1,046 कौटि रं जादो। गाहाये आरजिथाया बांनयजो कम्पनीनि मुलाम्फायाबो बांदो। कम्पनीनिक्राय मिबथिहोनाय बायदिव्ला 1 बोसोर सिगां 2022-23 नि जानुवारी-मार्च दान्थामआव 939 कौटि रंनि एन्टिग्रेटेड नेट प्रफिट मोन्दोमोन। टाटा पावारनि गासै आरजिथाया 2023-24 नि ब्रैथि 3 दानाव बांनाने 16,463.94 कौटि रं जादो। बेयो 1 बोसोर सिगांनि बे एखे समाव 13,325.30 कौटि रंमोन। रंखान्थि बोसोर

2023-24 नि समाव कम्पनीनि एन्टिग्रेटेड नेट प्रफिटआ बांनाने रेकर्ड महरै 4,280 कौटि रं जायो, जाय 1 बोसोर सिगां 3,810 कौटि रंमोन। गासै आरजिथायाबो बांनाने 63,372.32 कौटि रं जायो, जाय 2022-23 आव 56,547.10 कौटि रंमोन। टाटा पावारनि बर्ड अफ डेइरेक्टरआ 1 रं पेस भेलु गोनां शेयारनि सायाव 2 रंनि डिभिडेन्ड होनायनि अजद होदो। कम्पनीया डिभिडेन्ड पेमेन्ट एबा गथायनायनि थाखाय रिक्ड अक्टखो 4 जुलाइ 2024 सिम थि खालामना होदो। टाटा पावारनि सिइअ आरो एमडि प्रबिंर सिन्हाया बुंदोदि, गावसोरनि क्लिन इनाजो

प्रडाक्शन के पाबिलिटीआ रंखान्थि बोसोर 2026-27 सिमाव 15 गिगावाटसिम सौहैगोन। सलार, विन आरो पाम्प हाइड्र जयै गावसोरनि ग्राहकफोरनो 24 घन्टा रेनुएबल इनाजो जगायना होनायनि थाखाय बिबान लादो। पावार डिस्ट्रिभूशन एरियाआ प्राइभेटाइजेशननि थाखाय खुलिजायो आरो अब्ला कम्पनीआ बिथिडव गोदान खाबुफोरनि मुलाम्फा लानो थाखाय आबुडै थियारि। फारसेथिं टाटा पावारआ सोलिफु रंखान्थि बोसोर 2024-25 आव 20,000 कौटि रंनि केपिटेल एक्सपेन्डिसारनि प्लेन बानायदो। बे यो थानाय रंखान्थि बोसोरनि रूजनायाव 66 जौखोन्दो बांसिन। टाटा पावारनि सिइअआ 3 दाननि मोन्याय फि थाइनि बागै मिबथिहोनाय बुंदोदि, मार्च 2024 आव जोबनाय रंखान्थि बोसोराव के पिटेल एक्सपेन्डिसारआ 12,000 कौटि रंमोन। बे बोसोराव गावसोर 20,00 कौटि रंनि के पिटेल एक्सपेन्डिसार खालामनायनि प्लान लादो।

## त्रिपुरा सरकार 2024 नि जुननिक्राय किडनी ट्रान्सप्लान्टनि हाबाखो जागायगोन



**आगरतला, 9 मे :** त्रिपुरानि गिबि मन्थि प्रफेसार ड माणिक साहाया बुधबारखालि बुडेदि, रडज्यो सरकार रडज्योआव लिभार ट्रान्सप्लान्ट हाबाफारिखो जागायनायनि सायाव सावयग्यासिनो दड। ड साहा, जाय सावस्त्रियारि मन्थिबो बिथाड फोरमायदोदि, जर'खा डाक्टरफोरा जे बाथ्राखो बुंनाने खामानि मावबाय थादोमोन, आथिखालाव बेनो फैफिनगासिनो दड। रडज्योयारि ड साहाआ दिनैनि बेलासियाव आगरतलायाव थानाय आइजिएम देहा फाहामसालिखो नायबिजिनयाय समाव बे बाथ्राखो बुंदो। जौनि थान्थिया जुन दानसिम किडनी ट्रान्सप्लान्ट हाबाफारिखो जागायबाय। मानोना बेमारिफोर सिगांनिक्रायनो थियारियै दड। बेजो बेमारिफोरखो रडज्योनि बाइजोआव किडनी ट्रान्सप्लान्ट खालामनानेयनि गोनांथिया जोबना थान्गोन। बेनि अनगायै जो बेयाव त्रिपुरयाव लिभार ट्रान्सप्लान्ट हाबाफारिखो जागायनायनि सायाव सावयग्यासिनो दड। आइजिएम देहा फाहामसालिखो नायबिजिनयायनि सायाव गिबि मन्थिया बुडे, आं सावस्त्रियारि नेहाथारि आरो देहा फाहामगिरिफोरजो लोगोसे बेयाव दावबायफैदो। आं गुबुन-गुबुन बिफनफेरखो नायबिजिदो आरो जाय ओन्सोलफेरनि सायाव नोजोर होनायनि गोनांथि दड बेनि सायाव बिथोन होदो।

## उतखारिफोरखो फिसिग्रा पाकिस्तानआ गावसोरनो उतखारिनि गागलोबनायजो जेंनायाव गोरलैदो

**इस्तामाबाद, 9 मे :** उतखारिफोरखो फिग्रा पाकिस्तानआ आथिखालाव गावसोरनो उतखारि गागलोबनायजो जेंनायाव गोरलैदो। पाकिस्ताननि आलादा-आलादा शहरफोराव दासान्दि उतखारिफोरा गोरलैदो। अदेबानि पाकिस्तानआ जाय उतखारिफोरनि फसलखो फोदोमोन। आथिखालाव लासै-लासै बै फसलखो हागासिनो दड। बावयेसो सिगां रैखाथि हान्जाफोरनि सायाव उतखारि गागलोबनायाव माखासे पाकिस्ताननि बिबानगिरिफोरि थैदोमोन। आथिखालाव पाकिस्ताननि सान्थिफोरा बे उतखारि गागलोबनायनि खिथेर लाबाय। सान्थिफोरा खेबर पख्तुनखवा आरो सा बजिरिस्तानयाव गासै सा 6 उतखारिफोरखो गावथारदो। खोरानि बायदिव्ला, पाकिस्ताननि रैखाथि हान्जाफोरा आफगान सिमनाजो नांजाबनाय सा सोनबा ओन्सोलनि मोन्ने जायगायाव सिप्रोमनाने थानाय बुधबारखालि सा 6 उतखारिफोरखो गावथारो होना

सान्थिआ खोरं होदो। बिसोरनि बायदिव्ला, खेबर पख्तुनखानि डेर इस्माइल खान जिल्लानि मोनसे जायगायाव सिप्रोमनाय समाव साबा उतखारिफोरखो गावथारदो। थैनाय उतखारिफोरनि सायाव जेबो खेफोरथि होयाखै आरो बिसोर रैखाथि हान्जाफोरनि सायाव सिगाडाव गागलोबनायफोराव दफायमोन होन्नानैल' सुलुडव फोरमायदो। बेराफासै, सा बजिरिस्तानयाव थानाय गुबुन मोनसे जायगायाव सिप्रोमनाने सासे उतखारिखो गावथारदो। सा बजिरिस्तानखो मोनसे समाव पाकिस्तानआ तालिबाननि गद महरै गनायना लायोमोन। सरासनन्नायै उतखारिफोरनि सिनायथिखो दोनखोमोनो हाया। नाथाय बे खेबाव पाकिस्तानआ बिसोरनि सिनायथिखो फोसावयाखै। बेनिखायनो थैनाय उतखारिफोरा पाकिस्ताननिनो जानो हागो होन्ना गनायना लानाय जादो। आथिखालाव तहरीए-ए तालिबान पाकिस्तान (टिटिपि) नि उतखारिफोरखो पाकिस्ताननि सान्थिफोरा गोलाव समनिक्रायनो जेंना सोमजिहोदो। नाथाय बे खेबाव



हेफाजाव होनायखो गोथोसिन खालामनो आरो बेखो बांनोनायनि सायाव सावयगोन। भारत सौफैनायनि उनाव गुबुन हादतयारि मावख'नि बिबानगिरिफोरा मालद्वीपनि मन्थि मुसा जमीरखो बरायदो। भारतयारि गुबुन हादतयारि बिफाननि बुंथिगिरि रणधरि जयसवालआ मुसा जमीरखो भारतयाव बरायबाय होन्ना लिरो। मख'नो गोनांदि, मालद्वीपनि गोदान हादतगिरि सायख' जानायनि उनाव चीनखो अननाय दिन्थिग्रा मइजुनि नोजोर आथिखालाव भारतखो लानाने सोलायनो हमाय।

अदेबानि मालद्वीपजो जेंनाया बांनयनि उनाव भारतआरि दावबायारिफोरा मालद्वीपनि गासै बुकिं खालामनायफोरखो केन्सेल खालामो आरो भारतआ मालद्वीपनो हेफाजाव होनायखो बन्द' खालामदोमोन। बेजो मालद्वीपनि थासारिया गात्रि जानो हमा। अब्ला मुइजुआ गावनि गोरोन्थिखो मोन्दाडो आरो बियो पिएम मदिनाव मालद्वीपनि जौगाखानायनि थाखाय खुला-खुलियै मदत बियो। आथिखालाव मुइजुआ भारतजो लोगोसे गाहाइ सोमोन्दोखो सोलिहोफिनो थाखाय गावनि गुबुन हादतयारि मन्थिखो गोदान दिल्ली दैथाइ हरो।

### AFFIDAVIT

**I, SONHI BRAHMA,** aged about 55 years, W/O. Manik Brahma, a resident of Village-Khargaan, P.O. Khargaan under P.S & Dist. Kokrajhar, BTR, Assam, PIN-783370, do hereby solemnly affirm and declare as follows:-

- That, I am the bona-fide citizen of India by birth and permanent resident of above mentioned address.
- That, my actual/correct name and surname is **Sonhi Brahma**, which is recorded in my Aadhaar Card, Vide Card No:- **3977 1712 6820**, PAN Card, Vide Card No:- **EBFP6190G** and other relevant documents.
- That, in the Land Documents/Periodic Khiraj Patta, covered by Dag No:- **448** of **Patta No:- 232**, situated at **Village-Khargaan** under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as **Haso Brahma (which is my nick name)** instead of **Sonhi Brahma**.
- That, I do hereby declare that both the named **Sonhi Brahma** and **Haso Brahma** is the same and one identical person who is none other but myself.
- That, this declaration is made by me as a piece of evidence to submit if before the concerning authority to avoid the confusion and also to rectify/correct regarding my name and surname as stated above and for doing needful purposes accordingly.

All the Statements made herein above are true to the best of my Knowledge and belief and nothing has been concealed therein.

**Sonhi Brahma**



## भारतयारि सान्ध्रिया सोलोंथायारि, गेलेमुनि फोथाराव जाफुंसारनाय मणिपुरनि लाइमोनफोरनो मान बाउदों

**इम्फल, 9 मे :** भारतयारि सान्ध्रिया स्पिराव कर्पसआ बुधवार 8 मार्चखालि मणिपुर राइज्यो विष्णुपुर जिल्लायाव खुं'नाय मोनसे हाबाफारियाव मणिपुरनि रोंग'थि गोनां लाइमोनफोरनि जाफुंसारनायखौ लानानै मोनसे रंजाथाइ फालिदों। भारतयारि सान्ध्रिया गगि बिबानगिरिफोर आरो गुबुन मख'जाथाव सुबुंफोरबो बाहागो लानानै बे हाबाफारियाव मेहेसोनां खालामदों। फरायसा, फोरोंगिरिफोर आरो दिथागिरिफोरा राइज्योनि लाइमोनफोरनि टेलेन्ट एबा रोंग'थिफोरखौ दिन्थिनायाव सान्ध्रिया हेफाजाब मोनायनि फारसे नोजोर होदों। बान्था मोनायफोरनि गेजेराव बयनिखुडो सिगांसिनाव मणिपुर सुपार 50 प्रगामनि सा 6 रोंग'थि गोनां फरायसाफोरबो दडमोन, जायफोर गोब्राब कम्पेटिटिभ कम्बाइन



इकजामखौ उथ्रिसारनाय गावनि सोलोंथाइ आदबखौ दिन्थिदों। जेइड मेन्स 2024 आन्जादआव बिसोर उथ्रिसारनो हादों। फरायसाफोरनो बिसोरनि गोखों नाजानाय आरो गावखौ बाउसोमनायनि थाखाय मान मोन्दों। जायफोर सान्ध्रिया आरो माहारियारि खौसेथि आरो सोलोंथाइयारि जौगाखां

आफाद, कानपुरआव थानाय गंसे सरकारि नडै आफादनि बोसोननिफ्रायबो मदत मोन्दों। बे हाबाफारियाव साब्रै जायगानि उसु गेलेग्राफोरनि देखासासनाय एबा जाफुंसारनो हानायनिबो रंजाथाइ फालिनाय जादों। बिसोर गोवसोरनि रोंग'थिजों मणिपुरनि मुंखौ मुंदांखा खालामनो हादों। केल' इन्डिया (इस्ट जन), नर्ट

इस्ट गेम आरो साब जुनियर नेशनोल सेम्पेयनसिपजों लोगोसे मुंदांखा बादायनायफोराव मेडेल देखासासनाय तामसाना देबि, एन बिदियासागर सिंह, कइजम याइसाना देवी आरो ए ग्रेसि देबीनो गेलेमुनि फोथाराव मख'जाथाव बिहोमा होनायनि थाखाय मान बाउनायजों

## 1.70 लाख रांनि आफिंजों लोगोसे म्यानमारनि सासे नोगोरारिखौ ग्रेप्टार खालामदों

**इटानगर, 9 मे :** फेप्रा बेसादफोर आरो सिखाव खालामनायनि सायाव मोनसे मख'जाथाव नायबिजिरनायाव लॉडिं पुलिसा इसिआइबि (एमआइ), 24 आसाम राइफल्स आरो इ कय सिआरपिएफजों लोगोसे मोनसे जुथाइ हाबाफारियाव सासे बार्मी नोगोरारि एजेन वांसुजों गोब्राबै गावनि न'आवनो आफिं सिखाव खालामनायनि दायव ग्रेप्टार खालामो। पुलिसा साब-इन्सपेक्टर एम जिडनि दैदेननायाव सालायनाय अपारेशननि फिथाइ महरै गासै 1.757 किल'ग्राम लिंरथाइनि आफिं खौ जब्द' खालामो, जायनि बाजार बेसेना हमदांनय महरै 1.70 लाख। जब्द' खालामनायनि उनाव एजेन वांसुखौ म्यानमारनि कामकाइ गामिनि थागिबि एथेन पांसा आरो वाअनु पांसा मुनि सानै आइजोफोरजों लोगोसे ग्रेप्टार खालामो। वांसुआ सो आगुनि एनएससिएन केडारआ गोब्राब जेड



गामियाव थायोमोन, जाय लॉडिं जिल्लानि नियाउसा गामिनि अरायथा थागिबि महरै खामानि मावयो। बिनि हेंथायै नारकटिक ड्रग्स एन्ड साइकट्रिपिक साब्सटेन्स (एनडिएएस) नेम-खान्थि आरो गुबुन हादतनि नेम-खान्थिजों सोमोन्दो गोनां आर्टिकेलफोरनि गेजेरजों केस दिखांदोंमोन। साब-इन्सपेक्टर टेम्पा त्सेरिंनो उननि

नायबिजिरनायनि बिबानखौ गथयो। अपारेशननि समाव जेज-सेबनो थाखाय सा 11 सुबुंफोरखौ जिम्मायाव लायो, जायफोरनि गेजेराव लॉडिं जिल्लानि साथाम हौवासा आरो सानै गामिनि सुबुंफोर बाहागो लादोंमोन। आथिखालाव पुलिसा आरो गथ' जोथोन लाग्रा क मिटिनि गेजेरजों जुथायै नायबिजिरनायनि गेजेरजों रोखा जायोदि, दर 6 म्यानमार

नोगोरारि, जेराव साथाम हौवासा आरो सानै जायगानि सुबुंफोर दंफायोमोन। बिसोर दाय गैयैफोरमोन। बे सुबुंफोरखौ गोब्राबै ग्रेप्टार खालामो, जायफोरनि गेजेराव सा 38 गुबुन हादतयारिफोरा मरेइनि लामाजों भारतनिफ्राय बायजोयाव ऑक्खारलंदोंमोन। बिसोरनि उफ्रा हेन्डअभार जथुमानि समाव सासे भारतआरि

## आसामआव सइन फ्लुजों 13 दाननि गथ'सानि जिउ खहा

**गोदान दिल्ली, 9 मे :** थांनय माखासे साननिफ्रायनो आसामआव सइन फ्लुनि केसफोरा गोखैयै बांगसिनो दड। बेयाव बराक हायेनाव सइन फ्लु इन्फेक्शननि माखासे केसआ नुजाथिदों, जायफोरनि गेजेराव सासे थैनायाबो दंफायो। बेवादिवाव इन्फेक्शन बांनय



केसफोरखौ नोजोर होनाने राइज्योयाव सावसि बिफानआ बे बेमार गोसारनायखौ होबथानो नाजानायाव नांथाबदों। मख'नो गोनांदि, सइन फ्लुआ मोनसे गोब्राब बेमार, जाय एइस 1 एन 1 भाइरासनि जाहोनाव गोसारो। बे बेरामआ 2009 याव महामारि महर लाखांबाय, जायनि जाहोनाव बेनि बांनय केसफोरा आरो खनसेबाव जिंगाखौ बांहोदों। माय क्लिनिकनि बाइदिब्ला, एइस 1 एन 1 फ्लु जायखौ माब्लाबा माब्लाबा सइन फ्लुबो बुंनय जायो, जाय मोनसे रोखेमनि इन्फ्लुएन्जा ए भाइरास। 2009-10 नि फ्लु सिजननि समाव मोनसे

गोदान एइस 1 एन 1 भाइरासआ सुबुंफोरनाव बेमार सोमजि होनो हभो। बेयो इन्फ्लुएन्जा भाइरासनि मोनसे गोदान कम्बिनेशनमोन, जाय अमा, दाव आरो सुबुंफोरखौ इन्फेक्शन खालामो। हुआ थांनय 2009 याव बेखौ महामारि महरै फोसावदोंमोन। बै बोसोराव बे भाइरासनि जाहोनाव मुलुगनाडै गासै सा 284,400 सुबुंफोर थैयो। उनाव 2010 नि आगस्ट दानाव हुआ महामारिखौ जोबबाय होन्ना फोसावो। बेनि लोक्षोनआ भाइरासजों फैनयानि सोमोन्दोआव फैनयानि गासै 1-4 साननि उनाव जौगाखाडो। बेनि लोक्षोनआ सरासनस्रायै थाबै जागयो।

**डिमापुर, 9 मे :** भारतआव जापाननि थान्दै हिरशी सुजुकिआ बुधवारआव नागालेण्डनि सुबुंफोरनि पासै गावनि गाथौ अन्सायनाय आरो दुखु मोननाय फोरमायदों। मख'जाथावदि, 80 बोसोर सिगां जापान आरो ब्रिटिश राष्ट्रमन्डल हान्जानि गेजेराव नैथि मुलुग दावहानि समाव गुलि गावलायनायाव बिसोर सुबुंफोरा खैफोदआव गोरलैनादोंमोन। बिथाडा बुडोदि, नागालेण्डनि सुबुंफोर, जायफोरा दावहाजों जेबो सोमोन्दो गैयामोन बिसोर गोनांथार महरै से दान गोब्राब आन्जादजों बारलानादोंमोन,

लोगोसे बाख्नायो। मान बाउजानाय गुबुन गेलेगिरिफोरनि गेजेराव तमास सिंहाबो दंफायोमोन, जाय फेब्रुवारी 2024 आव उसु सेम्पीयनसिपनि गेजेराव मोनसे जाब्रथाइयाव गोरलैनायनि उनावबो गावखौ गोखों साहज खालामना दिन्थिनानै हाबाफारियाव नुजाथिनाय गासैबो सुबुंफोरनि थाखाय थुलुगाखां होनायनि खामानि मावदों। रेड साइड सेन्टार फर वेलनेस एन्ड एक्सीलेन्सनि बान्जायनायाव खुं'नाय हाबाफारियाव लाइमोनफोरनि जाफुंसारनो हानायनि अनगयै फोरोंगिरिफोरनि गोसो होसारा सोलोंथाइ होनो नाजानायनि सायावबो गाहायै नोजोर होनाय जादों।

## मणिपुर सरकारआ कामजं जिल्लायाव सा 5,457 आयेन बेरेखा गुबुन हादतयारिफोरखौ सिनायथिदों

**इम्फल, 9 मे :** मणिपुर सरकारआ 2024 नि 7 मेसिमाव कामजं जिल्ला मणिपुराव 5,457 आयेन बेरेखा गुबुन राइज्योफोरखौ सिनायथियो। बेनि अनगयै बिसोरनिफ्राय गासै 5,173 गुबुन हादतयारिनि बायमेट्रिक डेटाखौ बुथुमो आरो बिसायख'थियारि हाबाफारिफोरा आथिखालाव जौगाखांदों। बेयाव बे बाथ्राखौ मख'नांगोदि, राइज्यो सरकारआ गासै गुबुन राइज्योफोरनो सुबुंथियारि हेफाजाब होगासिनो दडा बे दाननि जागायजेनायाव म्यानमारनिफ्राय आयेन बेरेखा गुबुन हादतयारिफोरनि बिसायख'थियनि गिबि खोलोबआ 2 मेयाव आबुं जादोंमोन, जायफोरनि गेजेराव सा 38 गुबुन हादतयारिफोरा मरेइनि लामाजों भारतनिफ्राय बायजोयाव ऑक्खारलंदोंमोन। बिसोरनि उफ्रा हेन्डअभार जथुमानि समाव सासे भारतआरि



गोदान दिल्ली, 9 मे: दिल्ली जौ गेनाखान्थिनि केसआव तिहाइ जेलआव जोबथेजानाय दिल्लीनि गिबि मन्थि अरबिन्द के जरिवालनि जामिननि आर'जलाइनि सायाव सुप्रिम कर्टआ शुक्र बारखालि थांखि खोनासंहोनो हागौ। सुप्रिम कर्टआव मंगलबारखालि गोखोडे दान्थे-बिदान्थे जायो, जेराव कर्टआ इडिनाव माखासे सोंथि दैखाडो आरो हियारिनि उनाव थांखिखौ रैखाथियै लाखिदोंमोन। अरबिन्द केजरिवालनि इन्टेरिम जामिन के सआव दिनें जानाय हियारिनि उनाव बेन्सनिफ्राय सिखारनाय समाव सन्जिभ खान्नाआ इडिनि उकिलखौ बियो शुक्र बारखालि बे केसआव जोबथा बिथोन

होनो हागौ होन्नानै बुडो। केजरिवालनि उकिल अभिषेक मनु सिंघवीआ थांनय मंगलबारखालि जानाय हियारिनि समाव सुप्रिम कर्टखौ केजरिवालआ बे समाव जेबो फाइलआव मुंसाइनाय नडा होन्नानै बुंदोंमोन। बेनि थाखाय शर्ट लाखिनानै सिंघभीआ बुडोदि, बे समाव सिएमनि मुंसाइयैआव दिल्लीनि लेडाइ राइज्यो बेगिरिनो फाइलफोरखौ

दैथायहरफानो नाड होन्नानै बुडो। थांनय मंगलबारखालि सुप्रिम कर्टआव इडिनि फार्सेनिफ्राय दिन्थिनाय सलिसिटर जेनेरेल तुषार मेहताआ लकसभा बिसायख'थियाव फोसावनो थाखाय अरबिन्द केजरिवालनि सायाव जेबो रोखेमनि नरम आखु दिन्थिनायखौ हेंथा होन्नानै बुडोदि, जुदि बेबादि जायोब्ला बे राजखान्थि दैदेनगिरिफोरनि थाखाय मोनसे आलादा आइनखौ फालिनाय बायदि जागोन।



नोगोरारिफोरा म्यानमारनिफ्राय फैफिनो। राइज्यो सरकारआ हादतनि सिमनाफोर आरो हादतनि रैखाथिखौ रोखा खालामनो थाखाय लान्थियै आयेन बेरेखा गुबुन हादतयारिफोरखौ सिनायथिगासिनो दडा आरो बिसोरनि बायमेट्रिक डेटाखौ रिकर्ड खालामगासिनो दडा। मणिपुरनि गिबि मन्थि एन

बिरेन सिंआ 29 एप्रिलाव मोनसे सांग्रांथि फोसावो, जेराव आयेन बेरेखा गुबुन राइज्योयारिफोरनि जाहोनाव दर सायाव नोजोर होनाय जादों। माइक्रब्लिंग साइट एक्सयाव होनाय मोनसे परस्टयाव सिंआ बे जाथायजों हादतयारि हरिफोर आरो माहारियारि रैखाथि मोन्नेनि थाखाय

सोरजिनय गोब्राब अलखदनि सायाव नोजोर होदों। सिंनि परस्टआ मोनसे मख'जाथाव आयदाखौ सोमोन्दो लाखिदों, जाय गोबां बोसोरनिफ्राय मणिपुर आरो मोगथाडाव गासै हादतफोरखौ जेनायाव खोख्रैगासिनो दडा। 2006 नि उननिफ्राय गासै मणिपुराव गोदान गामिफोरखौ गायसन्नायाव बांदों।

## जापाननि थान्दै सुजुकिया कहिमा गोजोन खाम्फा बेखेवनायाव बाहागो लादों



जेराव गोबां सुबुंफोरखौ मदतनि थाखाय नारसिन्याय जादों आरो गोबां सुबुंफोरा गावनि जिउ बावनादों। लोगोसेनो खायसे सुबुंफोरा गावनि बिबै-बिबौनि बिथाखौ नागराननै खारनादों।

सुजुकिया सफ्टआव गाहाइ आलासि महरै कहिमायाव कहिमा शान्ति गोसोखां एबा इक' पार्क खौ बेखेवनाय हाबाफारियाव नुजाथिनानै बिबुंथिआव बेफोर बाथ्राखौ

बुडो। बिथाडा सानैनि थाखाय नागालेण्डआव दावबायफैदोंमोन। बिथाडा बुंबावोदि, कहिमा गोसोखां खाम्फाखौ बेखेवनायाव साखि गसंफैनो मोन्नानै जोबोर

सन्मान गोनां मोन्दांथिदों आरो बेनि थाखाय साबाइखरबो होयो। नागालेण्डनि सुबुंफोरा कहिमा-जापान अस्थि गोरोबथा हान्जाखौ गोसो गुडुडैबरयो आरो हेफाजाव खालामो। आगुनि सान्ध्रिफोरजों जोबथा मुवाफोरखौ बुथुमनो साहस होदों। इक-पार्क खौ जापान सरकारनि मावख'आरि जौगाखानि मदतजों नागालेण्ड हाग्रा सामलाय बिथांखिनि बाहागो महरै जौगाखां होनाय जागोन होन्नानै सुजुकिया शान्ति गोसोखां खाम्फाखौ लुफुंनयनि थाखाय नागालेण्डनि गिबि मन्थि नेप्यु रिय आरो राइज्योनि सुबुंफोरनि फार्से गोसो गोबौनिफ्राय साबाइखर बावो।

## मोनसे गोदान प्रजेक्टयाव सानथामनि गेजेराव 5,590 कौटि रांनि लागजारि फ्लेटखौ फान्दों

**गोदान दिल्ली, 9 मे :** भारतआव धोनि सुबुंफोरनि आंखाल गैया। मार्केटयाव गोबां रां दडा। बेनि इसारखौ गुरुग्रामनि मोनसे गोदान प्रजेक्टयाव गासै सानथामनि गेजेराव 5.590 कौटि रां बेसेननि गासै मोन 795 फ्लेट फान्नायजों मोन्दों। अदेबानि रियेल एस्टेट बिथिनि गाहाइ कम्पानी डिप्लएफआ गोखौ बाहायगिरिफोरनि दाबि



दैखंनायाव बेखौ फानो। कम्पानीआ शोयार बाजारनो बृहस्पतिबारखालि होनाय खौरांआव फोरमायदोंदि, बिथांखि

डिप्लएफ प्रिवाना वेस्ट'आ सानथामनि गेजेराव गासै 5,590 कौटि रां बेसेननि फ्लेटखौ फानो हायो। भावानि

खौरांनि बायदिब्ला, बे गोदान बिथांखिया 12.57 एकड्याव गोसारनानै दड, जेराव मोन 795 फ्लेट दड। मोनसे फ्लेटनि बेसेना गासै 7 कौटि रां। खौरांनि बाइदिब्ला, बे बोसोरनि जानुवारी दानाव कम्पानीआ गुरुग्रामाव गावसोरनि बिथिनि 'डिप्लएफ प्रिवाना साउथ' निबो 1,713 लागजारि एपार्टमेन्ट दिन्थिनायनि

सानथामनि गेजेराव 7,200 कौटि रांआव फानहैदोंमोन। बे बिथांखिया 25 एकडु हायाव गोसारनानै दडमोन। 'डिप्लएफ प्रिवाना वेस्ट' आरो 'डिप्लएफ प्रिवाना साउथ' मोन्नेबो हारियाणानि गुरुग्रामाव सेक्टर 76 आरो 77 याव थानाय 116 एकडु हायाव गोसारनाय टाउनशिप 'डिप्लएफ प्रिवाना' नि बाहागो। बेयो आल्ट्रा लागजारि न'फोरनि हाइ डिमान्डखौ दिन्थियो।

**दम हानिआव आरपिएफटिस/ डिआइनि राइन सेड आरो साइकेल**  
इ-टैन्डर फोसावथाय नं: 44/डब्लिउ-2/एएफडिजे, अक्ट: 07-05-2024। गाहायाव फोसावथाव खामानि थाखाय मुंसायगिरिआ इ-टैन्डर हांखायहदों। टेन्डर नं: 10-एफ-III-2024। खामानि मुं: एडिएएन/एएफडिजेनि सिखि पद हानिआव आरपिएफटिस/डिआइनि राइन सेड आरो साइकेल टेन्डर। टेन्डरनि बेसेन: 1,09,24,055.53 रं; अग्रिम नं: 2,04,600.00 रं; इ-टैन्डर बन्द जानयनि अक्ट: आगो सभ: 30-05-2024 अक्ट नि 13:00 रिगायाव आरो बेखेवजागोन 30-05-2024 अक्ट नि 15:00 रिगायाव। गौजीव फोसावथाव इ-टैन्डरनि टेन्डर लाइजो लोमोसे आबु मिथिथायखौ वेबसाइट www.ireps.gov.in आव मोनो हागोन।

**डिमापुर (मोन्स), आरिपिएफएन जेनम सा-सान्जा सिमवा रेलवे**  
मिनिस्त्रुये ग्राहकफोरनिमि सिबिथाय  
**आलिपुरदुवार जंशनाव इन्जिनियारिं खामानि**  
इ-टैन्डर फोसावथाय नं: 49/डब्लिउ-2/एएफडिजे, अक्ट: 07-05-2024। गाहायाव फोसावथाव खामानि थाखाय मुंसायगिरिआ इ-टैन्डर हांखायहदों। टेन्डर नं: 26-एफ-III-2024। खामानि मुं: एडिएएन/सान्जा/आलिपुरदुवार जंशान सिडव गसासगाव हाट-चौलागनि गेजेरव केयम 1987/8 आव मेन्ड एल-वि नं. एएन/126 (इडिप एन्ड डिपन) नि सोलये एलएएफए/अरखडिनि गहा खालामनाय। टेन्डरनि बेसेन: 5,17,65,496.62 रं। अग्रिम नं: 4,08,800/- रं। टेन्डर बन्द जानयनि अक्ट: आगो सभ: 31-05-2024 अक्ट नि 13:00 रिगायाव आरो बेखेवजागोन 31-05-2024 अक्ट नि 15:00 रिगायाव। बांनिनि मिथियो थाखाय वेबसाइट www.ireps.gov.in आव नायवो।




## सुबुनि देहा सोलेरनि बबे बाहागोया मैला गोनांसिन जायो मिबथिगौ ना?

जों सुबुफोरनि देहा सोलेरग मोनसे ऑरैबायदि बाहागो दड, जेराव रोजा रोजा बेक्टोरियाफोर थायो, बेयो बयनिखुइबो बांसिन मैला गोनां आरो गात्रि मोनामोबो। जों जॉनि देहाखौ सानफ्रोमबो जोबोद साखोन-सिखोन लाखिनायनि उनावबो मोनसे बाहागोया जेब्लायबो मैला जानानै थायो। बेखौ साखोन-सिखोन खालामनाया जोबोद गोत्राव आरो बेयाव जिउसा एबा बेक्टोरियाफोराबो जमा जानानै थायो। आइथिनफ्राय खर 'सिम देहानि गासैबो अंगफोरखौ साखोन-सिखोनै लाखिनानै देहाखौ गोग्गोयै लाखिनो नाजायो।



2012 आव पिएलएएस वानआव सेबखांजानाय मोनसे संदानाय बिलाइन बायदिव्ला संदानायाव मिबथिनो मोन्दोंदि, सुबुनि देहा सोलेरनि मोनसे अंगयाव गोत्रौ साखोन-सिखोन लाखिनायनि उनावबो 2,368 रोखोमनि बेक्टोरिया थायो। बेफोर बेक्टोरियानि गेजेरावबो 1,458 रोखोमा बिगियानगिरिफोरनि थाखाय गोदान जिउसा होनानैबो मिबथिनो मोन्दों। एसेबां गोबां बेक्टोरिया जमा जानानै थाया सुबुनि देहा सोलेरनि अंग 'यानो जादों उथुमै। बेयाव बयनिखुइबो बांसिनै गोलोमो। बेखौबो साखोन-सिखोन



जर 'खागिरिनि बायदिव्ला, उथुमैया बेक्टोरियानि थाखाय मोनसे मोजां रोखोमनि जोनोम होग्रा जायगा। उथुमैखौ साखोन-सिखोन लाखिनो थाखाय वासक्लटखो बाहायनो हागो आरो बेखौ दुबुद दै आरो मोजां दैयाव सोमत्र 'नानै बाहायनाया गोनांथार। डक्टरफोरनि बायदिव्ला माब्लाबा उथुमैयाव गोबां मान्नाय जायोब्ला, उथुमैया गोजा जायोब्ला एबा सायोब्ला आरो गात्रि मोनामनाय मोनोब्ला सांग्रां जानाया गोनांथार। बेयाव बबेबा इन्फेक्सनआ गोत्राव महर लानायनि सिगां डक्टरनिमिम दिन्थिनाया गोनांथार।


जखायसे लिमारिक  
(1)  
गोजोन्याय मोन्दोंमोन ऑं रजे नॉनि बुनायाव  
मानोथो थगायखो दिनै रजे नॉनि खुगायाव।  
(2)  
नंमारगौ नामा नॉं रजे बिबारनि बिदैं सोबग्रा माल गामिनिलाय आदा सिख्लाफोर नुब्लाथाय लफेननि सिफि खनयो।  
(3)  
अजय देबगाननि खानाय लानाय सिख्लाफोर नुब्लाथाय सारखोनाय नंगौमोन नामा बेनो नॉनि सान्नाय।  
(4)  
बिफा बोरायआ सान्दों दासो राफुनाय ऑं सेग्रा जुवान फारसेथिं फिसाज्जलाआ सान्दों हिनजावनि ख्लां ख्लां।

मिस स' मनि बसुमतारि  
गामि:- मालगाव, ला:सो:-शिलगारा  
जिल्ला:-धुबुरी

### नों मिथिया

नों मिथिया स'ना,  
नों मिथिया-  
आदि नॉनि थाखाय  
नोंखौ लानानै खन्थाय लिरदों।  
अखाइव जोमैआ साग्लोबबोला,  
पुर्निमा अखाफोर साथि हाया  
जोमैनि अखाया गोग्लैयाब्ला  
फानफेउवाली दावआ दै मोनलोड  
आंगोआ गावनि आंगोखौ  
नुवाब्ला गोसोयाव गोजोन खया  
हाजो खर 'नि दैमा दैसाया  
बोहैयै बोहैयै नागिरै नागिरै  
ओंखारबायो गावनि थॉखि लैथोमायाव  
एखनब्ला दैमा दैसायि दैया  
थॉखि ससेयावनो रानज्रिलाडो  
गोसोआव सुरो गोलाव दुखुनि हांमा।''  
नों मिथिया स'ना  
नों मिथिया-

थरायना बिदांश्री बसुमतारि  
गामि- सिमलागुरि (दत्ता)



खालामनाया गोरलै जाया मानोना बेयो गोदोनाय एबा गोथौ। बेनि जाहोनावनो बे बाहागोनिक्राय गात्रि मोनामो आरो बेयाव बेक्टोरियाफोराबो जमा जानो खाबु मोनो। बिगियाननि बायदिव्ला उथुमैया मोगथांआव देहा सोलेरनि मोनसे गाराय। बेयो बै समाव सोमजियो जेब्ला, जोनोम जानाय समाव गथ'या बिमानिक्राय आलादा जायो। बांसिन सुबुफोरनि उथुमैयानो सिंधि गोदोनाय। गोबां खम सुबुफोरनि नाबि एबा उथुमैखौ बायजोथिं ओंखारबोनाय नुनो मोनो आरो बिब्दि जायोब्लाबो ख'हा गोनां जायो। तस्ततत डिएलके कस्मेटिक धरमेटलजि आरो लेजार क्लिनिकनि बिगुरनि



जर 'खागिरिनि बायदिव्ला, उथुमैया बेक्टोरियानि थाखाय मोनसे मोजां रोखोमनि जोनोम होग्रा जायगा। उथुमैखौ साखोन-सिखोन लाखिनो थाखाय वासक्लटखो बाहायनो हागो आरो बेखौ दुबुद दै आरो मोजां दैयाव सोमत्र 'नानै बाहायनाया गोनांथार। डक्टरफोरनि बायदिव्ला माब्लाबा उथुमैयाव गोबां मान्नाय जायोब्ला, उथुमैया गोजा जायोब्ला एबा सायोब्ला आरो गात्रि मोनामनाय मोनोब्ला सांग्रां जानाया गोनांथार। बेयाव बबेबा इन्फेक्सनआ गोत्राव महर लानायनि सिगां डक्टरनिमिम दिन्थिनाया गोनांथार।

## आस'खाव्दा दाखालाम

आस'खाव्दा खालामनो  
दासान नॉं रजे  
सानैनि बे समावखिराखौ,  
सिगां समाव गुबुननो ऑंनि अन्नायखौ  
होनायफोरखौ साननानै  
नों आंखौ नागरनो दासान रजे,  
आंबो बावगारबाय रजे  
गुबुननो ऑंनि अन्नाय होनायखौ।  
गोदान मिजिं, गोदान सिमां  
सुजुबाय आं नोंखौ लानानै,  
नाथाय नोंसो आंखौ साजॉल'  
मोजां मोनानै गुबुनखौ  
सिंजों सिं मोजां मोनखोमायोब्ला  
आं मा राहायै थाना थानो हानो।  
नोंखौ मोजां मोनायाव  
आंहा गोबांनि सुथुर जानांबाय,  
अब्लाबो आं नोंखौ मोननो नाजागोन  
बे ऑंनि उजिगासे जिउआव।

थरायना जिमि ब्रह्म  
गामि- पाटगाव बोधियाबिल  
ला:सो:- पाटगाव  
जिला- कक्राझार, बि टि सि (आसाम)

## कुमारिकातानि जगेसपुरआव सासे आइजोनि जिउ गोमादों

तामुलपुर, 9 मे: तामुलपुर जिल्लानि सिखड थानाय कुमारिकातानि जगेसपुर गामिनि थागिरि गेम मगरनि बिमि निर्मला बर' मगर (47)नि थैनायाव ओन्सोल नाडैनो दुखुनि सायखं साप्लोबो। मिथिनो मोनाय बादिब्ला, 2017 माइथानिक्राय निर्मला बर' मगरआ गोत्राव बेरामजों नाखेबजानानै दड'मोन। गुबुन गुबुन जायगायाव फाहामथाय लानायनि उनावबो देहाया हामखानाय फसैं फेफिनैयाव 2019 माइथयाव चेन्नाइनि एप'ल' देहा फाहामसालियाव फाहामथाय लारदोंमोन। थंनय 2021 माइथयनि फेब्रुवारी दानाव स्ट्र'क जानायाव फाहामथायनि थाखाय गुवाहाटीनि आर्य देहा फाहामसालिसिम लॉनय जायो। फिन 2023 माइथयाव चेन्नाइनि एप'ल' देहा फाहामसालिसिम फाहामथायनि थाखाय लॉफिनय जायो। बे बायदिनो थंनय

मंगलबारखालि निर्मला बर' मगरनि देहानि थासारिया गोत्राव जानायाव रडियाआव थानाय सिटि हस्पिटलसिम फाहामथायनि थाखाय लॉनय जायो। बे देहा फाहामसालियाव सान 3 फाहामथाय लानानै मैया न' फसैं लोबोफिनयनि उनाव थंनय हरनि 8-30 सिगायाव गावनि न'आव जोबथा हां बोयो। बयजोंबो सिनाय जानाय धोरोम सिबिपुला आइजोनि थैनायि खौराड गोसारनाय लोगो-लोगो नो ओन्सोलनि राइजो-राजाफोरा दुखुथिया नख'रुव नुजाथिहैनानै समानै दुखु मोनफानाय फोरमायनायजों लोगोसे बिथानि जिउमानि अराय गोजोननि थाखाय आर'ज गाबो। थैनायनि उनाव निर्मला बर' मगरआ सानै फिसाज्जला, सासे बिहामजो आरो फिसो, बाय-बाहागिफोरखौ बे संसाराव अरायनि थाखाय एंगाराडो।

## रंजालि गथ'फोरनि सौरा

### होलांनो हागोन

गांसे बिजाव जागोन नों  
जेबोला माहारनि  
गायामानि बिहोमा  
होलांनो हागोन

रैदोम बर', बाक्सा

### बारस्रानाय मान्दार

जनक उजिर

बोरखे जावलिया बारा  
बैसागिनो नडसे ?  
ना मानिथो दिखार  
मात्रैथो हुंखि होनायमोन  
मुहनि बिबाराव ??  
गोसो गैया-गैया  
बेखोनी नों लरहाइलाडे बोला  
मात्रै लाखोमानो अब्ला ?  
लाइगां दखनाजों  
बेसेबां समाइदों  
लाजिहां मिथिगा सिखलाया  
नाथाय नों-  
बोराब बांसिन  
सानबेसे बारहोनी सानबावखो ?  
बारफिनगोदान खोलो बारजों  
खौवैया मात्रै खनफैबावगोन  
नोंनि थाखाय रैसुमै खबाम!!!  
नोंनि जामत्रिनाय दालायाव  
माबोला बारफैबावगोन  
गोजा गावनि समाइना बिबार।

### मानो.... ?

गोसोयाल' ऑंनि नोंखौ सिरि-सिरि हास्थायो  
नाथाय ओंखारा फंसेबो राव खुगानिक्राय मानो ?  
गोर्बोयाल'सो खामगिलांवाव दोहो-दोहो  
जुजायनि अरा गोसोयाव जोंब्लावफैबाव रोहो-रोहो।  
आदि नोंखौ बेसेबां मोजां मोनो  
नों रजेया बुजिया मानो ?  
गोसोनि बाश्राखौ बुंथिना लानो  
गोहो गैया आंहा दिने मानो ?  
मानोथो साया माया नुजाफैयो दान्दिसेनि थाखायल' ?  
जेब्लाबो गालाडे मानो नों आंनो हांमाल' ?  
मानोथो ऑंनि मेगननि ईसाराखौ बुजिया  
जेब्लाबो नों हारिंडे सिरि सिरि दाथा।  
गोरोथि दासान ओंखौ सना  
अननाय, मोजां मोनलायनायाव पाप नाडा।  
नाथाय मिथिदिया नों मानोथो एसेबो ?  
बुंदो रजे नोंनो मानो...मानो ...मानो ???

थरायना कैनालि बसुमतारि  
इउ एन एकाडेमि, कक्राझार  
गामि- दत्ता, बाथाबारि

## जिउनि हास्थायनाय

गोसोआ ऑंनि बेसेबा फिसा  
हमनो सानो बिहुं संसारखौ,  
जिउआ ऑंनि बेसेबा गोथौ  
हास्थायो गोसोआ मिथिगाखौ।  
गोसोआ ऑंनि गोदाव सोराव  
सानस'हाया गोसोयाव ऑंनि मा मिजिं,  
गोसो मेगनजों नायै नायैनो  
जिउआ ऑंनि मानोबा जावलिया।  
गोसोनि राव गोसोनि हांमा  
दड'गोसोआवनो आसुं आबुं,  
हांमा सुरै सुरै मादि सानो मिथिया आं  
आय' जिउआ हास्थायो मानोबा मिथिगाखौ।

सुडि फिट्ट बसुमतारि  
इउ एन एकाडेमि, कक्राझार  
गामि- सिमलागुरि (दत्ता)

( 1 बिलाइनिक्राय )

## एइसएसनि जोबथा आन्जादआव तामुलपुरनि गोबां सोलेंथाइ...

फसंथान, कुमारिकाता गोजोसिन गेजेरारि फरायसालिनि उथिसारनायनि हारआ 100 जौखोन्दो। फरायसालिनि गोरयुं हितेश बायनआ फोरमायनाय बायदिव्ला, फरायसालिनि सा 232 फरायसा-फरायसुलिफोरनि गेजेराव सासे फरायसाआ स्टर मार्क लानानै उथिसारदों आरो सा 86 फरायसा-फरायसुलिफोरा 1थि थाखो, सा 119 फरायसा-फरायसुलिफोरा 2थि थाखो आरो सा 67 आ 3थि थाखोआव उथिसारदों हादों। बेनिनो असमीयाआव सा 10, रजखान्थि बिगियानआव सा 15, इडुकेसनआव सा 2, रंखान्थियाव सा 2, गावनि हादत फरायसंनयाव सा 38 आरो सावस्त्रिआव सा 11 आ लेटर मार्क लानानै उथिसारदों हादों। तामुलपुर जिल्लानि गुबुन गंसे मुंदंखा सोलेंथाइ फसंथान तामुलपुर गोजोसिन गेजेरारि फरायसालिनि आर्टस आरो बिगियान मोननै बिफानआवनो 100 जौखोन्दो उथिसारनाय ओन्सोलाव गोग्गानाय लोबोनो हादों। फरायसालिनि गोरयुं बिभुति देकाआ फोरमायनाय बायदिव्ला, फरायसालिनिफ्राय आर्टस बिफानआव सा 241 फरायसाफोरा उथिसारदोंमोन आरो गासैबो फरायसा-फरायसुलिफोरनो बयनिखुइबो गोजोसिन नम्बर लाखिनानै उथिसारदों हादों। बेनिनो सैथि थाखोआव सा 110, नैथि थाखोआव 112 आरो थामथि थाखोआव गासै सा 19 फरायसाफोरा उथिसारदों हादों। गिबि थाखोआव उथिसारनायफोरनि गेजेराव साथामआ स्टर मार्क लाखिनो हादों। बेबायदिनो बिगियान बिफानआव बे फरायसालिनिफ्रायनो सा 64 आ मोजाडै मोजां उथिसारदों हादों। बेनिनो सा 44 आ सैथि थाखोआव आरो सा 20 आ नैथि थाखोआव उथिसारदों हादों। सैथि थाखोआव उथिसारदों हानायफोरनि गेजेराव सात्रेआ स्टर मार्क लाखिनो हादों। तामुलपुर जिल्लानि बेंखनाव थानाय गुवाबारिनि गिपनाथ बरदलै गोजोसिन गेजेरारि फरायसालियावबो उथिसारनायनि हारआ 100 जौखोन्दो। फरायसालिनि गोरयुं कृष्णमहन दासआ फोरमायनाय बायदिव्ला, फरायसालिनिफ्राय गासै सा 24 आ बे जोबथा आन्जादआव जिरयदोंमोन। बे सा 24 नि गेजेराव सैथि थाखोआव सा 10, नैथि थाखोआव सा 12 आरो थामथि थाखोआव सा 2 आ उथिसारदों हादों। बेनिनो भुमखौराडव सा 3, असमीयाआव सा 3, गाव हादत फरायसंनयाव सा 3 आरो रजखान्थि बिगियानआव सा 2 आ लेटर मार्क लानानै उथिसारदों

हादों। तामुलपुरनि गुबुन गंसेबाव मुंदंखा सोलेंथाइ फसंथान कस्टुर्बा गान्थी बालिका फरायसालिनिफ्रायबो 100 जौखोन्दो उथिसारनो हानायखौ नुनो मोन्दों। फरायसालिनि वार्डेन रिता बर'आ फोरमायनाय बायदिव्ला, बे बोसोयाव गासै सा 16 फरायसुलिफोरा आन्जादआव जिरयदोंमोन। बेनिनो सा 7 आ सैथि थाखो, सा 6 आ नैथि थाखो आरो सा 3 आ थामथि थाखोआव उथिसारदों हादों। एमआइएल (बड')आव सा 9 आरो एलेक्ट्रिक बड' आयदयाव सा 5 आ लेटर मार्क लानानै उथिसारदों। तामुलपुर जिल्लानि गुबुन गंसे मुंदंखा सोलेंथाइ फसंथान माजदीया गोजोसिन गेजेरारि फरायसालिनिफ्रायबो 100 जौखोन्दो उथिसारनायनि खौरां मोन्याव जादों। फरायसालिनि गोरयुं सुनन्द कलिताआ फोरमायनाय बायदिव्ला, फरायसालिनिफ्राय सा 11 फरायसा-फरायसुलिफोरा आन्जादआव जिरयदोंमोन। बेनिनो सा 3 आ नैथिआव आरो सा 8 आ थामथिआव उथिसारदों हादों। तामुलपुरनि गावआरि खोन्दोनि फरायसालिनि कन्फिडेंट एकाडेमिआबो बिगियान आरो आर्टस मोननै बिफानआवनो 100 जौखोन्दो उथिसारनो ओन्सोलआव गोग्गनाथ वथासिरि लोबोनो हादों। सोलेंथाइ फसंथाननि सामलायगिरि मदत ब्रह्माआ फोरमायनाय बायदिव्ला, सोलेंथाइ फसंथाननिफ्राय बिगियान बिफानआव गासै सा 28 फरायसा-फरायसुलिफोरा आन्जादआव जिरयदोंमोन। बेनिनो सा 12 आ सैथि थाखो आरो सा 16 आ नैथि थाखोआव उथिसारदों हादों। सैथि थाखोआव उथिसारनायफोरनि गेजेराव सा 5 आ स्टर मार्क लाखिनो हादों। बेबायदिनो आर्टस बिफानआव सा 25 आ आन्जादआव जिरयदोंमोन। बेनिनो सा 15 आ सैथि थाखो, सा 8 आ नैथि थाखो आरो सा 2 आ थामथि थाखोआव उथिसारदों हादों। सैथि थाखोआव उथिसारनायफोरनि गेजेराव सा 5 आ स्टर मार्क लाखिनो हादों। बेबायदिनो आर्टस बिफानआव सा 25 आ आन्जादआव जिरयदोंमोन। बेनिनो सा 15 आ सैथि थाखो, सा 8 आ नैथि थाखो आरो सा 2 आ थामथि थाखोआव उथिसारदों हादों। सैथि थाखोआव उथिसारनायफोरनि गेजेराव सा 6 आ डिस्टेंसन लाखिनो हादों। तामुलपुरनि गोजाम गेजेरारि फरायसालिनि गोरयुं बसन रभाआ फोरमायनाय बायदिव्ला, सोलेंथाइ फसंथाननि कमास बिफानआव 100 जौखोन्दो उथिसारदों हादों। गासै 105 फरायसा-फरायसुलिफोरनि गेजेराव सा 32 आ सैथि थाखोआव सा 65 आ नैथि थाखोआव आरो सा 7 आ थामथि थाखोआव उथिसारदों हादों।

## बासुगाव मिरुनि बिगियान दालाइयाव 100 जौखोन्दो उथिसारनो हादों

बासुगाव, 9 मे: दिनै फोसावजानाय गोजोसिन गेजेरारि जोबथा आन्जादनि फिथाइयाव चिरां जिल्लानि सिखड थानाय बासुगाव मिरुनि (मिरु नं. 0258); बिगियान दालाइयाव 100 जौखोन्दो उथिसारनो हादों। बिगियान दालाइयाव गासै सा 39 फरायसाफोरा आन्जाद लिर्दोंमोन। बेनिनो सा 28 उथिसारनो सैथि थाखो, सा 10

फरायसाफोरा नैथि थाखो आरो सासे फरायसाया 3 थि थाखोयाव उथिसारनो हादों। फारसैथि, आरिमु दालाइयाव बासुगाव गोजोसिन गेजेरारि फरायसालिनिफ्राय गासै सा 230 फरायसाफोरा आन्जाद लिर्दोंमोन। बेनिनो सैथि थाखोयाव सा 64, नैथि थाखोयाव सा 56 आरो थामथि थाखोयाव सा 85 फरायसाफोर उथिसारनो हादों। दालाइनिफ्राय सा

208 फरायसाफोरा उथिसारनो हादों, जायनि उथिसारनायनि जौखोन्दो हारआ 89.13 जादों। काउन्सिलि जौन्दो हारआ 89.18 जादों। मख'नो गोनादि, चिरां जिल्लयाव आरिमु दालाइयाव गासै सा 3801 फरायसाफोरा आन्जाद लिर्दोंमोन। बेनिनो सैथि थाखोयाव सा 660, नैथि थाखोयाव सा 1149 आरो

थामथि थाखोयाव सा 1435 फरायसाफोरा उथिसारनो हादों। बेनिनो गासै सा 3244 फरायसाफोरा उथिसारदों। उथिसारनायनि हारआ 85.35 जौखोन्दो जादों। बिगियान दालाइयाव जिल्लानिक्राय गासै सा 87 फरायसाफोरा आन्जाद लिर्दोंमोन। बेनिनो 89.66 जौखोन्दो उथिसारनो हादों।

## कलबारिनि श्रीश्री रामचरण ठाकुर आता सत्रयाव 92 थि पालनाम आरो बीरनाम गौमा खुंनो लाहार-फाहार

भवानिपुर, 9 मे: भवानिपुरनि साखाथि कलबारि गामिनि श्रीमन्त शंकरदेब आरिमु-हरिमुजों आबुं जानाय जारिमिनारि श्रीश्री रामचरण ठाकुर आता सत्रयाव फैगौ 22, 23 आरो 24 मेयाव गेदेर हाबाफारिजों 92 थि बोसोरारि पालनाम फोर्बों खुंफुंनो लाहार-फाहार जादों। मख'नो गोनादि, पालनाम फोर्बोंखौ लोब्बा लाखिनानै गोथार बुद्ध पुमिमा आरो महापुरुष श्रीश्री माधवदेबनि जोनोम सान फोर्बों खुंनय जागोन। बेखौ लोब्बा लाखिनानै आसाम सरकारनि केबिनेट मन्थि रजिन्त कुमार दासखौ गाहाइ बोसोनगिरि, एमएलए पतिधर तालुकदारखौ आफादगिरि, कर्णेश्वर बायनखौ मावकुं आफादगिरि, रतनेश्वर दासखौ लोगो आफादगिरि, परिक्षीत चन्द्र



बायनखौ गाहाइ नेहाथारि, किंकर दास आरो जिन्तु तालुकदारमोनखौ लोगो गाहाइ नेहाथारि, राजु कुमार दास आरो मानिक दासखौ हिसाव आन्जाद नायग्रा महरै मोनबा उफ्रा आफादजों लोगोसे मोनसे बाज्याय आफादखौबो दानाय जाबाय।

खुंजानो गोनां सानथामनि हाबाफारियाव साखोन-सिखोन भारत विथारिथि, धोरोमारि फिर्फिला बिहोनय, आलारि बाथि फोर्जोनय, भक्त-आयतिफोरनि आर'ज खालामनाय, 12 घन्टा नडै थद'नाय गैथे हरिनाम किर्त्तन, बिरनाम गौमा बायदि खुंनय जागोन।



## आसामनि गेजेरावनो आर्टस बिफानआव बाक्सा, बिगियानआव तामुलपुर आरो कमार्सआव ...

खेबनि फोसावजानाय फिथाइ बायदिब्ला, आर्टस बिफानआव गिबि थाखोआव गासै सा ४०,४९९ फरायसा-फरायसुलिफोर उश्त्रिसारनो हादों। बेबायदिनो नैथि थाखोआव सा ६५,५३२ आरो थामथि थाखोआव गासै सा ७२,७७५ फरायसा-फरायसुलिफोरा उश्त्रिसारनो हानायखौ नुनो मोन्दों। बेबायदिनो बिगियान बिफानआव सा २३,५५२ फरायसा-फरायसुलिफोरा गिबि थाखोआव, नैथि थाखोआव सा १७,३३९ आरो थामथि थाखोआव गासै सा ८,०६२ फरायसा-फरायसुलिफोरा उश्त्रिसारनो हानायखौ नुनो मोन्दों। बेबायदिनो कमार्स बिफानआव गासै सा ५,९१५ फरायसा-फरायसुलिफोरा सेथि थाखोआव सा ६,०८७ फरायसा-फरायसुलिफोरा नैथि थाखोआव आरो सा ३,१९४ फरायसा-फरायसुलिफोरा थामथि थाखोआव उश्त्रिसारनायखौ नुनो मोन्दों। बे खेबनि फिथाइआव उश्त्रिसारनायनि हारआव आर्टस बिफानआव बाक्सा जिल्लाया रइज्योनि गेजेरावनो बयनिखुइबो गोजौसिन मासि आवग्रिनो हानायखौ नुनो मोन्दों। फिथाइ बायदि जिल्ला थाखोआव आर्टस बिफानआव बाक्सा, बिगियान बिफानआव तामुलपुर आरो कमार्स बिफानआव शिबसागर जिल्लाया रइज्योनि गेजेरावनो गोजौसिन मासि आवग्रिनो हानायखौ नुनो मोन्दों। मख'नो गोनांदि, बाक्सा जिल्लानि उश्त्रिसारनायनि हारआ ९७.४ जौखोन्दो। आर्टस बिफानआव नैथि थाखोआव नलबारि जिल्लाआ आवग्रिनो हादों। नलबारि जिल्लानि उश्त्रिसारनायनि हारआ ९७.०३ जौखोन्दो। आर्टस बिफानआव उश्त्रिसारनायनि हारआव थामथि थाखोआव दरं जिल्लाया उश्त्रिनो हादों। दरंआव उश्त्रिसारनायनि हारआ ९६.५९ जौखोन्दो। बेबायदिनो बिगियान बिफानआव तामुलपुर जिल्लाया रइज्योनि गेजेरावनो गोजौसिन मासि आवग्रिनो हादों। तामुलपुर जिल्लायाव उश्त्रिसारनायनि हारआ ९७.९८ जौखोन्दो। बिगियान बिफानआव उश्त्रिसारनायाव नैथि मासियाव दइ शिबसागर जिल्ला। शिबसागरआव उश्त्रिसारनायनि हारआ ९७.६० जौखोन्दो। बिगियान बिफानआव थामथि मासिआव आवग्रिनो हादों बाक्सा जिल्लाआ। बाक्सा जिल्लायाव बिगियानि बिफाननि उश्त्रिसारनायनि हारआ ९५.८६ जौखोन्दो। बेबायदिनो कमार्स बिफानआव बयनिखुइबो गोजौसिनाव शिबसागर जिल्लाया आवग्रिनो हादों। शिबसागर जिल्लानि उश्त्रिसारनायनि हारआ ९७.४२ जौखोन्दो। कमार्स बिफानआव नैथि मासियाव बजाली जिल्लाया आवग्रिनो हानायखौ नुनो मोन्दों। बजाली जिल्लायाव उश्त्रिसारनायनि हारआ ९६.९१ जौखोन्दो। कमार्स बिफानआव उश्त्रिसारनायनि थामथि मासियाव मोननै जिल्लाया आवग्रिनो हादों। बाक्सा आरो शराइदेउ जिल्लायाव उश्त्रिसारनायनि हारआ ९५.८८ जौखोन्दो □

## ड॰ हिमन्त बिश्व शर्माआ उरिष्याआव मेगा ...

लकसभानि कल्लिकटआव मोनथाम हाइ भल्टेस फोसावदिंनाव हाबाफारियाव बाहागो लानानै गिबि मन्थि ड॰ हिमन्त बिश्व शर्माआ उरिष्यानि गिबि मन्थि नबिन पातनायकनि रइज्योनि बेरेखा हाबा-हुखानि हँथायै गोखों सोंखारिजाथाव बिबुंथि लाखिनायखौ नुनो मोन्दों। बिसायख'थि फोसावदिंनाव हाबाफारियाव ड॰ शर्माआ बे खेबआव उरिष्याआव बिजेपिनि सरकार जागोन होना फोरमायनानै फैगौ १० जुनआव रइज्योआव बिजेपि सरकारि गिबि मन्थ्रआ समायखिर लागोन होना फोरमायो। बे समायखिरा लानाय हाबाफारियाव गाहाइ मन्थ्रि नरेद्र मदिअों लोगोसे गावखोबो थाफागोन होना फोरमायनानै लायो। बै सानखालि मिरुआव गाहाइ मन्थ्रि नरेद्र मदिआ फिन गाहाइ मन्थ्रनि मासियाव जिरायकन्यायनि थाखाय आरो उरिष्याआव बिजेपि सरकार दाफुंजानायनि थाखाय रंजाथाव फोबों फालिनाय जागोन। उरिष्याआव थंनाय खेबन्नै सरकार सामलायनाय नबिन पातनायकआ रइज्यो सामलायदोंब्लाबो रइज्योनि जौगाखानायनि थाखाय जेबो मय्व'जाथाव खामानि मावाखे होना गोखों अजद देखंनानै ड॰ शर्माआ बेखार लाइमोनफोरनि थाखाय, आइजोफोरनि जौगाखानायनि थाखाय, आबादारिफोरनि जौगाखानायनि थाखाय पातनायकआ जेबो खालामाखिसै होना अजद देखाडो। उरिष्यानि सरसनस्था रइजो-रजाफोरखौ पातनायकआ जेबो गोनांथि होयाखे। बे खेबआव रइज्योआव बिजैपिनि सरकारआ दाफुं जायोब्ला ३.५० लाख बेखार लाइमोनफोरनो साख्रि होनायनि रहा लानाय जागोन। आधिखालाव रइज्योआव ५० रोजा सरकारि साख्रिनि मासिआ लांदों जानानै दइ। नाथाय पातनायक सरकारआ बे लांदों मासिखौ सुफुंनो जेबो रहा खालामाखे। बेनि उल्थायै बिजेपि सरकार दाफुंजायोब्ला गोग्गो रहानि गेजेरजों ३.५० लाख बेखार लाइमोनफोरखौ थाइसेबो रं लायाजासेनो थिसन्थाय होनाय जागोन। गिबि २ बोसोरनि गेजेराव १.५० लाख बेखार लाइमोनफोरखौ थिसन्थाय होनाय जागोन। बेबायदिनो रइज्योनि आइजोफोरनो ५० रोजा रडे होनायनि बाश्रा रायखानानै ड॰ शर्माआ मोननै किरि्टिआव बे रंखों होनाय जागोन होना मिबन्थि होयो। आसामआव आइजोफोरनो दानफ्रोमबो १,२५० रं, छ्तिसगइआव १००० रं, मध्य प्रदेशआव १२०० रं होनायनि बाश्रा फोरमायनानै ड॰ शर्माआ बिजेपिजों खुंजानाय दरफ्रोमबो रइज्योआवनो गुबुन गुबुन बिर्थांखिनि मुजों आइजोफोरखौ फोजौखानायनि थाखाय धोन होबोगासिनो दइ होना फोरमायो। उरिष्याआव दिनैसिम आइजोफोरा सरकारनिफ़्राय जेबो मोनफेराखे। बेनिखायनो बिसोरनो बिजेपिआ रइज्योखौ खुंनो मोनोब्ला ५० रोजा रडे होनाय जागोन। ड॰ शर्माआ मिबन्थिहोबावनाय बायदिब्ला, उरिष्याआव गोबों बाडालि सुबुंनोर दरड्ब्लाबो फरायसालिफोराव बाडालि रवनि फोरेंगिरि गैयनि बाश्रा फोरमायनानै रइज्योआव बिजेपिआ गोहोआव फैयोब्ला बाडालि रवनि फोरेंगिरि थिसनगोन होना खोथा होयो। उरिष्याआव दिनैसिमबो बिजेपि सरकार दाफुंजायैखायनो बेफोर मोनसैबो मावफुं जायाखे होना ड॰ शर्माआ फोरमायबावदों। बेबायदिनो आसाम सरकारआ सरकारि खरसाजों १ लाख सुबुंफोरखौ राम मन्दिरआव लानायनि थान्थि लानायनि सोमोन्दै फोरमायनानै गिबि मन्थ्रि ड॰ शर्माआ फोरमायदोंदि, उरिष्याआव बिजेपिनि सरकार गोहोआव फैयोब्ला रइज्योनि ५ लाख सुबुंफोरखौ सरकारि खरसाजों राम मन्दिरआव लानाय जागोन। बेबायदिनो उरिष्याआव माईनि सरकारि बेसेनखों ३,१०० रं खालामनाय जागोन होना ड॰ शर्माआ खोथा होबावो। उरिष्याआव दिनैसिमबो मोनफ्रोमबो जिल्लायावनो मेडिकेल फरायसालिमा गायसनजायैखौ सोंखारिानाै ड॰ शर्माआ फोरमायबावदोंदि, उरिष्यानिफ़्राय फिसासिन रइज्यो आसामआव दिनैसिमाव मोन २३ जिल्लायाव सरकारि मेडिकेल फरायसालिमा गायसन्जाबाय।

उरिष्यानि जगन्नाथ मन्दिरनि रहा खालामनायनि सोमोन्दैबो ड॰ शर्माआ बाश्रा रायखानानै बेवहाय मोजों मोनसे थासारि लाबोनो थाखायबो खोथा होयो। गोहोआव फैयोब्ला काशि-बिश्ननाथ बायदि जगन्नाथ मन्दिरखोबो साबसिखोन खालामनाय जागोन। गावनि बिबुंथियाव गिबि मन्थ्रि शर्माआ कंग्रेस दोलोखौ गोखों रावजों सोंखारिानाै हादतनि संबिजिदआव अनुसुसित जाति, अनुसुसित जनजाति आरो अबिसिनि थाखाय स्रैरेखाथिनि रहा दइ। नाथाय कंग्रेसजों खुंजानाय रइज्योफोराव अबिसिनि स्रैरेखाथिनि फारिलाइनिफ़्राय ४ निफ़्राय ६ जौखोन्देसिम मुसलमाननि थाखाय स्रैरेखाथि खालामनायनि रहा खालामदों। जौनि हादतआव धोरेमनि मुखाव बेबायदि स्रैरेखाथिनि जेबो रहा गैया। थंनाय बिसायख'थिफोराव कंग्रेसआ राम मन्दिरनि गायसन्थाया नोब्ला जागोन सौंथि खालामनाय। नाथाय बे खेबनि बिसायख'थियाव कंग्रेसआ बे सोंथिखौ देखंनो हायाखे। मानोना गाहाइ मन्थ्रि नरेद्र मदिआ गावनि आखायजोंनो राम मन्दिरनि जिउ गायसन्थायखौ खालामखांबाय। गुबुन फास्रेंथिं बे खेबनि लकसभा बिसायख'थियाव सा-सान्जा रइज्योनिफ़्राय गाहाइ मन्थ्रि नरेद्र मदिआ बयनिखुइबो बांसिन मासि आवग्रिनो होना गावनि बिबुंथिखौ आवग्रिनानै गिबि मन्थ्रि शर्माआ झारकान्ड, बिहार, उरिष्या, उत्तर प्रदेश आरो आसामनिफ़्राय मदिआनो बांसिन मासि मोनगोन होना फोरमायबावो। सिगाइव उत्तर प्रदेश, गुजराट, महाराष्ट्रआ मदिनो बांसिन मासि फैयोमोन। बे खेबआव उरिष्याआवबो बिजेपिआ १८ निफ़्राय २० मार्चसिम देरहासारगोन होना ड॰ शर्माआ रायखानानै दिबि मन्थ्रि शर्माआ १० मेआव ममता बेनार्जिनि सोनाब बंगआव बिसायख'थि फोसावदिंनावया बाहागो लादों। कृष्णनगर लकसभा बियाबनि भिमपुर गोजौ फ़रायसालिनि साखाथिनिफ़्राय भिमपुर बाजारसिम मोनसे गेदेर रइ स्व'आव बाहागो लानानै ब्यारकपुर लकसभानि अन्नपुरना आरो हुग्लि लकसभानि कमारपारायाव मोननै गेदेर बिसायख'थिनि सुबुं गौमायाव बाहागो लागोन होना खौरां मोनाय जादों।□

## फैगौ सान ५ नि गेजेराव राइज्योनि माखासे ...

बोथोरनि सिगांगो फोरमायथिखौ फोसावदों। बेबायदियाव रइज्योनि दरफ्रोमबो जिल्लायावनो बे सानफोराव अखा मोफलामनाय, अखा खोरेमनायजों लोगोसे गोखों अखा हानायजों लोगोसे बारहुंखा बारनायनि मिजिंथिदों। फैगौ सान ५ नि गेजेरव आसामयावल्' नइ सा-सान्जानि आदा थनाय रइज्योफोरावबो बोथोरा गिखंथाव महर लागोन। बोथोर बिगियान मिरुनि बायदिब्ला, घन्टयाव ५० कि:मि: गोख्थेजिजों बार बारगोन। बेनि थाखायनो बे समफोराव दरसे जिल्लानिफ़्राय गुबुन दरसे जिल्लासिम एवा सा-सान्जानि गुबुन गुबुन रइज्यो दावबायनार्यानि थान्थि दब्ला फिन बेफोरखौ बिज्रिना नायफिन। फैगौ सान ५ नि थाखाय बोथोर बिगियान मिरुआ गासै सा-सान्जान्यावनो गोमो गाबनि सांग्रांथि फोसावदों। बोथोर बिगियान मिरुनि बायदि्यै दिनै ९ मेयाव माजुलि, जरहात, धेमाजि, लक्षीमपुर, बिस्वनाथ, हजाइ आरो नगाव जिल्लाखौ नागरानानै आद्रा थनाय दरफ्रोमबो जिल्लायावनो गोमो गाब सांग्रांथि फोसावदों। ९ मेखालिनिफ़्राय फैगौ १३ अक्ट्रिसिम धुबुरी, खोला सालमाग-मान काछार, चिरां, बाक्सा, सोनाब कार्दि आंलं, कार्बि आंलं, गलाथाट, डिमा हासाव, काछार, हाइलाकान्दि, करिमगन्जआव सांग्रांथि फोसावदों। गोजौयाव मख'नाय जिल्लाफोरनि अनगायैबो अद्रा थनाय गासैबो १० अक्टनिफ़्राय ११ मेयाव गवालपारा, कक्राझार, बरपेटा, बइइगाव, बजालि, तामुलपुर, नलबारि, कामरुप गामियारि, नगाव, हजाइ, सनितपुर, बिस्वनाथ, लक्षीमपुर, धेमाजि, जरहाट, माजुलि, सिबसागइ, सरइदेउ, डिब्रुगइ, तिनिसुकिया जिल्लायाव गोमो गाबनि सांग्रांथि फोसावदों। बेनि अनगायैबो १२, १३ आरो १४ मेयाव अखं, आफां आरो गेजेर आसामनि माखासे जिल्लायाव सरसनस्था सांग्रांथि फोसावदों। बेबायदिनो त्रिपुरा, मिझारम, मण्णिपुर, नागालेन्डआवबो आसामनि बायदिनो सांग्रांथि फोसावदों। बे समाव रइज्योआव गासै घन्टयाव ५० कि:मि: सिम गोख्थेजिजों बारहुंखा बारनायनि मिजिं दइ।□

## उपमा बर'आ एइसएस जोबथा आन्जादआव...

मार्क लानानै ८६.८ जौखोन्द लानानै सेथि थाखोआव उश्त्रिसार जानो हायो। उपमा बर'नि बेबादि आसामनि गेजेरावनो बड' एम आइ एल आव बयनिखुइबो बांसिन नाम्बार लानानै उश्त्रिसार जानो हानायखौ लानानै फरायसालिनि गोरारुं बिद्दासागर रामसियारिया गावनि गोसोनि गोजोनानयखौ फोरमायो। देरुंलाइ बोसोरनि एइस एस आनजादाव बरमा इमपायर एकाडेमिआव गोनोखो आयदायाव सा ८३ फरायसा फोरा आन्जाद होदोंमोन। बेनिनो सा १० फरायसाफोरा स्टार मार्क लानानै गिबि थाखोआव सा ५३, नैथि थाखोआव सा २९ आरो थामथियाव सा से फरायसाफोरा उश्त्रिसार जानो हायो। लोगोसे आरिमु आयदायाव सा ५३ फरायसाफोरनि गेजेराव सा थाम फरायसाफोरा स्टार मार्क लानानै सा १० फरायसाफोरा सेथि थाखो नैथिआव सा ७ आरो थामथिआव सा १८ फरायसाफोरा उश्त्रिसार जानो हायो।□

## एइसएस फाइनाल आन्जादनि फिथाइयाव सालबारिनि गं ....

मख'नो गोनांदि, बे खेबाव फरायसालिनिफ़्राय गासै सा १६७ फरायसाफोरा आन्जादयाव जिरायदोंमोन, जेराव सेथि थाखोयाव सा २१ फरायसाफोरा नैथि थाखोयाव सा १२२ फरायसाफोर आरो थामथियाव सा २४ फरायसाफोर उश्त्रिनो हादों। फरायसाफोरनि फिथाइ मोनाय लोगो-लोगोनो फरायसालिनि फोरेंगिरि मावसुमा आरो फरायसाफोरनि गेजेराव थुनुंगाखानायजों रंजाखवंदों। फैगौ सानाव सालबारि गोजौसिन गेजेरारि फरायसालिनि फरायसाफोरा आरोबाव बांसिनथारै मोजां फिथाइ मोन्नो हागोन होना फरायसालिनि गोरारुं कृष्ण बसुमतारिआ मिजिंथिदों। बे बिथिडव बिमा-बिफा रइज्योफोर आरो गेदेर सालबारि ओन्सोलनि सोलोंथाय सांग्रां रइजो-रजाफोरनि बोसोन आरो हेफाजाब हांखायदों फरायसालिनि गोरारुंअ। फारसेथिं, सालबारि महकुमानि गोजौ थाखोंनि सोलोंथाय फसंथान साउदरभिता आदर्श बिद्यापित गोजौसिन गेजेरारि फरायसालिनि आन्जाद लिरनाय गासै सा ६८ फरासाफोरनि गेजेराव सेथि थाखोयाव सा ११, नैथि थाखोयाव सा ५० आरो थामथि थाखोयाव सा ७ फरायसाफोरा उश्त्रिनयजों १०० जौखोन्दो गोग्गाहोनो हादों। फारसेथिं, सालबारिनि साखाथि रुपहि सेकेन्डारि गोजौसिन गेजेरारि फरायसालिनि गासै सा ३२ फरायसाफोरनि गेजेराव सेथि थाखोयाव सा ८, नैथि थाखोयाव सा २३ आरो थामथि थाखोयाव सा १ फरायसाया उश्त्रिसारनायजों १०० जौखोन्दो उश्त्रिसारनो हादों। सालबारिनि गावआरि खोन्दोयाव ग्रीनलेन्ड इलंसि स्कुलनि स्टार सा ९० फरायसाफोरनि साफ्रोमबो उश्त्रिसारनो हादों। बेनि गेजेराव गासै सा २५, सेथि थाखोयाव सा ५५, नैथि थाखोयाव सा ९ आरो थामथि थाखोयाव सा १ फरायसाफोरा उश्त्रिसारनो हादों। सालबारि महकुमानि आनन्द बाजारनि साखाथि भकुवामारिनि आसाम पाब्लिक एकाडेमिनि गासै सा १० फरायसाफोरनि सासे स्टार, सा ४ सेथि थाखो, सा ५ थामथि थाखो उश्त्रिसारनायजों ओन्सोलायाव गोग्गाहोनो हादों।□

## हरिसिंगा गोजौसिन फरायसालिया बारग' फरायसाफोरनि लोगो...

थाखोनि मोजां फुटबल गेलेगिरि, फालांगिरि, सोरबाबा बे फरायसालियावनो गाहाइ फोरेंगिरि, लोगो फोरेंगिरि, गोरारुं बायदि साख्रि मानवाय आरो दासान्दि मानवबाय थानाय बे फरायसालिनि साफ्रोमबो बारग' फरायसाफोरा २०२२ माइथायाव गायसनजानाय हरिसिंगा गोजौसिन बारग' फरायसा गौधुमनि बान्जायनायाव फैगौ ११ मे खालाराव सानसेनि हाबाफारिजों सेथि खेबनि थाखाय हरिसिंगा गोजौसिन फरायसालिनि बारग' फरायसा लोगो हनमाय हाबाफारि खुंनो लानायखौ मिथि होयो गौधुमनि मासिगिरि थामहिन्बा बिटिसिनि लेइइ गाहाइ मावफुं सोद्रोमा गबिन्द चन्द्र बसुमतारिआ। थिखानाय हाबाफारि बायदिदौ फुंबिलियाव फरायसालि आरो बारग' फरायसा गौधुमनि फिरफिला बिरहोनाय, बिफां फुलि गायनाय, ओन्सोलनि मुख्लंफोरनि गोसोखांथियाव बिबार बावनाय, गौधुमनि मुंडव लिरनाय हान्जा मेथाइ बेखेवनाय आरो रोजाबनाय, बिस्मबि बेखेवनाय बायदि हाबाफारि खुंनयनि उनाव बारग' आरो सोलिफु फरायसाफोरखौ लानानै सोलोंथाइ बिर्थांनि फारसे जश्याै सावयनाय गेवलां हाबाफारि खुंनाय जादों होनानैबो मिथि होयो मासिगिरि बसुमतारिया। लोगोसे हाबाफारियाव गाहाइ आलासि महरै मिरु बर' थुनलाइ आफादनि आफादगिरि ड॰ सुरथ नार्जारी, जरखा आलासि महरै उदालगुरि सोलोंथाइ खोन्दोनि फरायसालि नायगिदिंगिरि जगदिश प्रसाद ब्रह्म, बुंथिगिरि महरै गुवाहाटी मुलुगसोलोंसालिनि बिबुंगोरा ड॰ अन्जलि देमारी आरो माननि आलासि महरै हरिसिंगा गोजौसिन फरायसालिनि बारग' गोरारुं मुश्रीमा इभा बन्दना बसुमतारिजों लोगोसे आधिखालनि गोरारुं मुश्रीमा स्वरना बसुमतारि मोनहा बाहागो लानायजों लोगोसे ओन्सोलनि बायदि आफादनि देदेनगिरि आरो सानसुमे मेलेर्मजबि रइजो-राजाफोराबो हाबाफारियाव बाहागो लागोन होनानै मासिगिरिया फोरमायदों।□

## एनके दरङयाव ड्रग्सनि

## बेरेखायै सांग्रांथि हाबाफारि ...

बे सांग्रांथियारि हाबाफारियाव भारत-भुटान सिमनानि एनके दरङयाव आइन बेरेखा सोलिबाय थानाय ड्रग्स, टि्टर, जुवा बायदिनो हँथायै रइज्योफोरखौ सांग्रांथि खालामनाय एबा बेबायदिनो आइन बेरेखा खामानिफोरखौ होबथानो थाखाय गोखों रहा आखायाव लानायजों लोगोसे बेबायदि सन्देह खालामजाथाव सुबुं नुयोब्ला थाबेनो खुंथाइनो खौरां हरनो थाखाय रइजोफोरखौ खावलायनाय जायो। बे बिथिडव गासै ओन्सोलावनो आइन बेरेखा खामानिखौ बन्द खालामनायनि सगथंआव बेबायदि खामानिजों लोब्बा गोनो सुबुनि हँथायै जिल्ला खुंथाइखौ गोखों रहा लानो थाखायबो खावलायनायखौ नुनो मोन्दों। दिनैनै बे सांग्रांथियारि हाबाफारियाव आङरकाता सान्जारां ससइटिनि आफादगिरि मायावति ब्रह्म, नेहाथारि सनास्त्रि बसुमतारि, आइजो दैदेनगिरि मट्टाला बेगम, सभाजि सिबियारि चतिश जैलाआ ड्रग्स, टि्टर, जुवा बायदिनि हँथायै गोनांथाव बिबुंथि लाखिनायखौ नुनो मोन्दों।□

## एइसएस जोबथा आन्जादनि

## फिथाइखौ लानानै कक्राझारआव....

सा ८४७ आ उश्त्रिसारनो हायो। बेनिनो सा ३२३ आ सेथि थाखोआव, सा ३५८ आ नैथि थाखोआव आरो सा १६६ आ थामथि थाखोआव उश्त्रिसारनो हानायखौ नुनो मोन्दों। बेबायदिनो कमार्स बिफानआव सा १९६ आन्जाद होगिरिफोरनि गेजेराव गासै सा १९३ आ उश्त्रिसारनो हादों। बेनिनो सा ३२ आ सेथि थाखोआव, सा ५८ आ नैथि थाखोआव आरो सा ७१ आ थामथि थाखोआव उश्त्रिसारनायखौ नुनो मोन्दों। बेबायदिनो जयपुरनि नेसेनेल केरियार इनस्टिटउट फसंथानआव १०० जौखोन्दो फरायसालिनि उश्त्रिसारनायनि खौरां मोनाय जादों। मख'नो गोनांदि, कक्राझार नेसेनेल केरियार इनस्टिटउटआव बे खेबआवसो गिबिसिन एइसएसनि जोबथा आन्जादआव बिगियान बिफानआव १०० जौखोन्दो जाफुंसारनायाव सोलोंथाइ फसंथानआव रंजाखनानय थासारि सोमजिनायखौ नुनो मोन्दों। फोसावनाय बायदिब्ला, सोलोंथाइ फसंथानआव बे खेबआव सा ९ फरायसाफोरा आन्जादआव जिरायदोंमोन। बेनिनो सा ८ आ सेथि थाखोआव आरो सा १ आ नैथि थाखोआव उश्त्रिसारनो हायो। गिबि थाखोआव आसिफा नासरिना मोनन्नै आयदायाव लेटर मार्क मोनायजों लोगोसे ८८.८ जौखोन्दो नम्बर लाखिनो हायो। सुल्तान आलिआ मोन ५ आयदायाव लेटर मार्कजों ८८.२ जौखोन्दो लाखिनो हायो। रुपचन आलिआ मोनन्नै आयदायाव लेटर लानानै ८४.२ जौखोन्दो लाखिनो हायो। मानबि रायआ मोनसे आयदायाव लेटर मार्क लानानै ७४.६ जौखोन्दो लाखिनो हायो। याशब हुसेनआ मोननै आयदायाव लेटर मार्क लानानै ७४.४ जौखोन्दो लाखिनो हायो। मवाशिर आहमेदआ मोननै आयदायाव लेटर मार्कजों ७१ जौखोन्दो लाखिनो हायो रेजाक आलिआ मोनसे आयदायाव लेटरखों लोगोसे ६१.२ जौखोन्दो लाखिनो हायो। बे बिथिडव सोलोंथाइ फसंथाननि गोररुं आब्दुल्ला आलि मेहमुदआ थंनाय २०२३ माइथायाव गायसनाय नेसेनेल केरियार इनस्टिटउट सुंद'थै एनसिआइनि गिबि बेट्सनि फरायसाफोरनि जअश्रिसारनायखौ लानानै रंजाखाडे आरो साफ्रोमबो फरायसाफोरनोनो गोजों इयुनि थाखाय गाहाम हामब्लायनाय बाउडहरो।□

## ६५ बोसोराव हिन्दु सुबुं अन्जिमाया ७.८ जौखोन्दो बाङाय जादों

गाहायाव फैबाय। १९५० माइथायाव जैनफोरनि सुबुं अन्जिमाया ०.४५ जौखोन्दोमोन, जाय २०१५ माइथायाव ०.३६ जौखोन्देसिम बाइइ जालांदों। बे रिपर्टखौ रंखाथिगिरि शमिका र्थि, अब्राहम ज'स आरो अपुर्व कुमार मिश्रया थियारि खालामदोंमोन। दासान्दि लकसभा बिसायख'थिनि गेजेराव, इमथि-पिएफनि सुबुं अन्जिमा रिपर्टनि सायाव राजखान्थि जागायजेन्दों। बिजेपिनि आइटि सेलनि गाहाय अर्चित मालवियाआ बुंदोंदि, 'गोलाव बोसोरनि कंग्रेस खुंथाया जौनि थाखाय बेखौ खालामदों। जुदि बिसोरनि थाखाय हागरना होनाय जायो, अब्ला हिन्दुफोरनि थाखाय मोनसेबो हादत थालॉनाय नइ। बेजों लोगोसे, एआइएमआइएफनि गाहाय असदुदिन अवेसिआ बेखौ वाट्सएफ मुलुगसोलोंसालिनि रिपर्ट' होना बुंदोंमोन। प्रियंका गान्धीया बुंदोंमोन, 'जों बै आयदाफोरनि सायाव रायन्त्यालानांगै, जाय सुबुंफोरनि जिउजों सोमोन्दो गोनॉ। बिजेपिआ गावनि लामाजों जैनाफोरखौ बानायोे।' खोला एसियानि हादतफोर जेरै-बांग्लादेश, पाकिस्तान, श्रीलंका, भुटान आरो आफगानिस्तानाव बांसिन सुबुं अन्जिमाया बांदों, बबेखानि बाइइ सुबुं अन्जिमाया बाइइ जालांदों। मालदिबआव शफ्रो-ए-सुनि धोरोमारि सुबुं समाजा बांसिन। बिसोरनि सुबुं अन्जिमाया १.४७ जौखोन्दो गाहायाव फैदों। बांग्लादेशआव बांसिन धोरोमारि सुबुं अन्जिमाया १८ जौखोन्दो बांदों। पाकिस्ताननि बांसिन धोरोमारि सुबुं अन्जिमाया (हनाफि मुस्लिम) ३.७५ जौखोन्दो बांदों, बबेखानि गासै मुस्लिम सुबुं अन्जिमाया १० जौखोन्दो बांदों। म्यानमार, भारत, नेपालाव मुसलमान नडि सुबुं अन्जिमा दं, बेवहाय बांसिन सुबुं अन्जिमाया बाइइ जालांदों।□

## एनजिटिआ हाग्रा ओन्सोलनि सिङाव फरायसालि, भट मिरु, साहा बागान खालामनायनि आसाम...

स्रैरेखाथियारि (पिसिसिए)नि सिरि धनायनि सोमोन्दैबो समायखिरायाव फोरमायथारनांगोन। एनजिटिआ रायखानाय गरसआ जाबाय आसामनि सनितपुर जिल्लानि सनाइ-रुपाइ हाग्रानि जिब अरनबारियाव सरकारआ आरो बेदखल खालामनानै गोबां बिबाडै बायदि गोदान-गोदान लुफुंनानै हाग्रा (स्रैरेखाथि) आइनखो नेवसिनायनि गोखों अजद होनानै थंनाय बोसोराव दिलीप नाथआ बिजिस्सालियाव गथायदोंमोन। थंनाय दानआव आसाम सरकारआ समायखिराखौ गथयानानै बुंदोंमोनदि, एसआरडब्लिउएस आरो सरदुवा स्रैरेखाथियारि हाग्रा ओन्सोल (सिआरएफ)नि सिङाव माखासे फरायसालि आरो हाग्रा ओन्सोलनि बेरेखा खामानि सोलिगासिनो दइ। मख'नाय जायोदि, बे फरायसालिफोरनि सामलाय आफादफोरनि बेरेखायै एफआइआर हाग्रा बिफानआ गथायदों। समायखिरायाव आरो फोरमायबावनाय दंदि, रइज्योनो दै जगाय बिफानआ सिआरएफनि सिङाव सिल'नि दैमायाव खान्थि बेरेखायै मोनसे सुइज गेट लुफुंदोंमोन। अब्लाबो सासे सुबुइ ब बे एखे स्रैरेखाथियारि हाग्रा ओन्सोलनि सिङावनो मोनसे साहा बाहागानबो बानायदोंमोन। बेनि अनगायैबो सासे थिकादारआ हाग्रानि जिब-जुनाद (रैखाथि) आइन आरो हाग्रा (रैखाथि) आइनखौ नेवसिनानै एसआरडब्लिउएसनि सिङाव ५ कि:मि: लावथायनि लामा बानायदोंमोन आरो बेनि बेरेखायै एफआइआर सिधन्नाय जाबाय। एनजिटिआ सिगाडव मख'दोंमोनदि, समायखिरा गथयानायखौ मोजाइ मिबन्धाग्रा जयेन सेक्रेटरिआ बेखौ सिमफायगोना सिमफाया बेनि सोमोन्दै मख'थाखे। बिजिगिरिआ मिरु आबहावा, हाग्रा आरो बार-दै सोलायनार्याय बिफाननि बेरेखायै लुफुंनयनि गनायथि होनाय बिबानगिरिनि हँथायै नाजावनाय रहा आरो बेखौ बोखारनायनि रहा रायखानानै फैगौ ४ सप्ताहनि गेजेराव फिन्नाय होनानै समायखिरा गथयानो बिथोन होयो। आसाम-नागालेन्ड सिमनानि शिबसागर जिल्लायाव हाग्रानि हाखौ गुबुन खामानियाव महर सोलायहोनायनि अजदआव आसाम सरकारनिफ़्राय आबहावा, हाग्रा आरो बार-दै सोलायनयनि बिफानआ मोनसे गनायथि हास्थायदों। २०२४ माइथायनि २५ एप्रिलआव आसामनि लेइइ गाहाइ बिबानगिरि (हाग्रा)निसिम दैथायहरनाय गांसै लाइजामआव मिरु आबहावा हाग्रा आरो बार-दै सोलायनाय बिफाननि हाग्रा बिफाननि लोगो गायसनायनि महराजआ गेलेशि स्रैरेखाथि आरो हाग्रा ओन्सोलनि सिङाव शिबसागर जिल्लायाव कामान्ड बेटेलियन बाद़ा गायसन्नो थाखाय २८ हेक्टर हाखौ आइन बेरेखायै गथयानयनि अजदनि सोमोन्दै रोख़ बिथंफोरजों लोगोसे गनायथि लुबेदों। मन्थ्रि सामलाय आफादआ शिलंआव थानाय मन्थ्रि सामलाय आफादनि आन्सलिक मावख' आरो गुवाहाटीआव थानाय दालाइसा मावख'नि मोननैखोबो आसाम सरकारजों सोमोन्दो लाखिानै थाबेनो बिबुंथिजों लोगोसे नांगै जानाय बिथंफोरखौ होनो थाखाय गोखों बिथोन होनायखौ नुनो मोन्दों।□

## बिमानि रावआनो गुन गोनां सोलोंथाइ लानानै जिउआव जाफुंसार जानायनि साबसिन ...

दिपेन बर'आ एब्सुआ बर' हरियाव सोलोंथाइनि सायाव थंनाय गोलाउ बोसोर खामानि मावबोनायनि सायाव गुवारै बिबुंथि लाखियो। गुन गोनां सोलोंथाइनि उनाव आदव आरो गुन गोनां सोलोंथाइनि मिशनखौ लानानै खामानि मावनाय आरो आधिखालाव हरियाव गुन गोनां सोलोंथाइनि सोमावसारनायनि सायावबो बिबुंथि लाखिबावनानै बिमानि रावानो गुन गोनां सोलोंथाइ लानानै जिउआव जाफुंसार जानायनि साबसिन लामा होननानै बर' बिजोंआव फरायनानै डाक्टर, इन्जिनियार जानो हाया होन्नाया ओंथि गैया होनानै बिमानि रावावनो फोरॉनानै गथ'फोरखौ जेसे हायो जोथोन लानो दिथागिरिफोरखौ खावलायो। बे हाबाफारियाव बुंथिगिरि महरै बाहागो लाबसो सोलोंथाइगिरि ड॰ प्रफुल्ल बसुमतारिआ। बे मेलाव माननि आलासि महरै बाहागो लायो मिरु एब्स



# रणबीर कापुरनि उनाव सासे फावखुंग्रिया सलमान खाननि गाहाइ फावखुंग्रि जासिगोन

‘एनिमेल’ आरो ‘पुष्पा’ बायदि सुपारहित सावथुनफोर होखांनायनि उनाव फावखुंग्रि रश्मिका मन्दनाया नायगिरिफोरखौ गोसो बोनो थाखाय फिन फैफिननो थांगासिनो दं। फावखुंग्रि रश्मिका मन्दनाखौ आथिखालाव सलमान खाननि ‘सिकन्दर’ आव सुबुंफोरखौ रंजाहोनाय नुनो मोनगोन। फावखुंग्रिया गावनि समाइना आरो सोमोनांथाव फाव दिन्थिनायनि सिगां सासे हायुंआरि क्राश जाबाय आरो बियो फिन खेबसेबाव सुबुंफोरनि गोसोखौ दोहौ खालामनो थियारि जाबाय। सलमान आरो रश्मिकानि रुजुजायै जराखौ 2025



माइथायनि इदआव अन्सायगिरिफोरा नुगोन। बे सावथुननि बागै सुबुंफोरनि गेजेराव सिगांनिफ्रायनो थुतुंगाखानाय दं। प्रडाक्शन हाउसआ मावख’आरि महै

समाजारि हेन्डेलफोराव सावथुनाव रश्मिकानि हाबनायखौ फोसावदों। सलमान खान आरो साजिद नाडियाडवालाया ‘सिकन्दर’ सावथुनखौ बानायनो थाखाय फिन ज’ जाफिनबाय। बिथामोनहा बेनि सिगां ‘किक’, ‘जुड़वा’ आरो ‘मुझसे शादी करोगी’ बायदि ब्लकबास्टर सावथुनफोराव जयै खामानि

मावदोंमोन। बेनि अनगायैबो एआर आ ‘गाजनी’ आरो ‘हलिडे: ए सल्जार इज नेभार अफ डिडटि’ बायदि सावथुनफोरखौ दिथा होनायनि थाखाय मिथिजानाय महर बे बिथांखियाव मोनसे सोमोनांथाव खामानि मावगोन। ‘सिकन्दर’ बिमुंआ बयनिबो गोसोखौ बोनो हादों। सावथुन फोसावनायनि उन्निक्राय बेनि सायाव

सावरायजादों आरो सावथुननि रिलिजनि अक्ट’खौबो दानिक्राय बुंनाय जादों। सावथुननि आद्रा थानाय फावगिरिफोरखौ दासिमबो फोसावनाय जायाखै। नाथाय सलमान खानआबो दिनेनिफ्राय सावथुननि सेबखानायखौ जागायबाय। बिथानि मोनसे सावगारिया भाइरेल जादों, जेराव बिथाड गावनि सासे अन्सायगिरिजों सेटआव पज होनाय नुनो मोन्दों। सलमान खानखौ जोबथा खेब केटीना केफजों ‘टाइगर 3’ आव नुनो मोन्नाय जादोंमोन। रश्मिकानि बाशा बुंला, बिथांजोखौ रणबीर कापुरजों ‘एनिमेल’ सावथुनआव नुनो मोन्नाय जादोंमोन। बिथांजोखौ थाबैनो धनुष आरो सुकुमारनि ‘पुष्पा 2: दारू’ जों लोगोसे ‘कुबेरा’, ‘रेनबो’, ‘द गार्लफ्रेंड’ आव नुनो मोनगोन।

## आदित्य रय कापुर आरो सारा आली खानआ आनन्या पाण्डेनि जोनोम सान फालिदों



सोमोन्दोनि खौरांआ बलिउडनि फावगिरिफोरखौ गोहोम खोखैयो। बलिउडआव सानफ्रोमबो ब्रेकअप-पेचअपनि रादाव ओंखारो। गोबां समावनो बेफोर नंखाय रादावफोरा सैथो फोरमान जायो, जेराव गोबां समावनो सेलेब्रिटीफोरा बेफोरखौ थोंजोडे नेवसिनाय नुनो मोनो। बावैसो फावखुंग्रि आदित्य रय कापुर आरो आनन्या पाण्डेनि ब्रेकअपआ फ्रन्टलाइनआव दंमोन। सानैबो स्टाफोर दासिमबो बेखौ रोखा खालामाखै। फारसेथिं ब्रेकअपनि सावरायनाय समावनो गुबुन फारसेथिं आदित्य रय कापुरखौ सारा आली खानजों नुनो मोन्नाय जादों, जायनि उनाव सानैनिबो सायाव सावरायनायखौ जागायदों। मख’नो गोनांदि, सानैनि गेजेराव खाथि सोमोन्दोआ बादों। सानैबो मोनसे जराखा फालिथायाव जयै नुजाथिदोंमोन। आदित्य रय कापुरखौ दिथागिरि अनुराग बसुनि जोनोम सानाव सारा आली खानजों लोगोसे नुनो मोन्नाय जादोंमोन। बुधबारखालि दिथागिरि अनुराग बसुनि जोनोम सानमोन आरो बिथाड बे जराखा सानखौ लोगोफोरजों फालिदों। बे फालिथायाव सावथुननि गाहाइ स्टाफोरबो दंमोन। पार्टीनि मोनसे भिडिअ’आ भाइरेल जादोंमोन, जेराव दिथागिरिखौ गावनि आलासिफोरनो जोनोम साननि केक दौनाय नुनो मोन्दों। बियो बयनिबो केक होगासिनो दंमोन। बेनि गेजेरावनो सारा आली खान आरो आदित्य रय कापुरखौबो जयै गसन्याय नुनो मोनो। अनुराग आरो आदित्य रय कापुरखौबो इसारायै रायज्जायनाय नुनो मोनो। फारसेथिं गोबां सुबुंफोर बुंदिदि, बिसोर सानै स्टाफोर सानैनि गेजेराव सोमोन्दो सोलियासिनो दं। सासे अन्सायगिरिया लिरदों, ‘बिसोरो मेट्र 2 आव खामानि मावगासिनो दं। करणनि श्व’आव आनन्यानि एपिसडनि समाव बे बाश्रया सोराख फुदोंमोन। बे सावथुना 13 सेप्टेम्बर, 2024 माइथायाव रिलिज जागोन। बे सावथुना 2007 माइथायनि सावथुन ‘लाइफ इन ए मेट्र’ नि सिक्केल। ‘मेट्र’ इन डिनन’आव अनुपम खेर, नीना गुप्ता, पंकज त्रिपाठी, कंकणा सेनशर्मा, अली फजल आरो फातिमा सना शेखआबो दं।

## लकसभा बिसायख थि फोसावदिनायनि समावनो फावखुंग्रि गबिन्दाया जौसांआव मोसादों

2024 माइथायनि लकसभा बिसायख थिनि समावनो माखासे सिगां फावखुंग्रि गबिन्दाया राजखान्थियाव आगान होफिनबाय। बिथाड 10 बोसोरनि उनाव राजखान्थियाव फैफिनो थिरांथा लायो आरो महाराष्ट्रनि शिबसेना पार्टीआव हाबो। बै समनिफ्रायनो फावखुंग्रिनि फाया राजखान्थिगिरि जानाय गबिन्दाया गोसो गोथारै फोसावदिनायाव मुखब जानां दं। बिथाड बिजाथिफोरनि थाखाय फोसावगासिनो मानोना बिथाड शिबसेनानि स्टाफोसावगिरि। बिसायख थि फोसावदिनायनि गेजेरनिफ्राय फावखुंग्रिनि मोनसे भिडिअ’आ नुजादों। जाय गोखैयै भाइरेल जागासिनो दं। बे भिडिअ’आव फावखुंग्रिखौ



बिसायख थि जौसांआव सुबुं थुवरुनि गेजेराव मोसानाय नुनो मोन्दों। फावखुंग्रिखौ मोसानाय नुनानै राइजो-राजाफोर आरो बैयाव थानाय गुबुन दैदेनगिरिफोराबो रंजादोंमोन। नुजानाय भिडिअ’आव नुनो मोनोदि, शिबसेना दैदेनगिरिफोरा फैसालियाव दं। बिसायख थि मेलनि गेजेराव फावखुंग्रिआ गावनि मुंदांखा मेथाइ ‘आपके आ जाने से’ खौ रोजाबदोंमोन। बिखौ मोसानाय नुनानै स्टेजनि

दैदेनगिरिफोरखौ गोसो गुदुं नुनो मोन्दों आरो बिसोरो जौसांआव बिथांमोनजों मोसादों। बे समावनो जथुमाव नुजाथिनाय राइजो-राजाफोराबो गोसो गुदुं जादों, जायनि थाखाय बिसोरो श्रुटि खालामदोंमोन। गबिन्दानि स्टाइल आरो थुतुंगाखौ सिगांनि बायदि मोनगासिनो दं। बिथांखौ मेथाइनि मोनफ्रोमबो सारिखौ आबु फोरमायथिजों गोरोबनाय नुनो मोनो। फावखुंग्रिनि बेबादि महरखौ

गोसावदिनायनि समावनो फावखुंग्रि गबिन्दाया जौसांआव मोसादों। गिगां खेबनि थाखाय बिसायख थि फोसावदिनायाव नुनो मोन्दों। 2004 माइथायाव गबिन्दाआ कंग्रेसनि टिकेटआव मुम्बाइ साहा मासिनफ्राय लकसभा बिसायख थि गेलेदोंमोन आरो बिजेपिनि रंगिथि गोनां दैदेनगिरि राम नाइक खौ फे जेन्दोंमोन। बबेखानि उनाव बिथाड कंग्रेस पार्टीनिफ्राय बिबान एंगारदों। मार्च 2024 माइथायाव फावखुंग्रिआ शिबसेनायाव हाबदोंमोन। एकनाथ शिन्दे दैदेननाय शिवसेनायाव हाबनायनि उन्निक्रायनो बिथाड बिसायख थि फोसावदिनायनि बाहागो जाना दं। आथिखालाव बेखौ थि खालामनाय जायाखैदि, फावखुंग्रिआ बिजाथि महैरै बिसायख थि गेलेगोन ना गेलेया। बबेखानि बेखौ मिजिं

थिनाय जादोंदि, बिथांखौ फैगो लकसभा बिसायख थियाव मुम्बाइ सा-सोनाबनिफ्राय बिसायख थि गेलेनो हागो।

## सन्जय लीला भन्सालीनि ‘हिरामन्डी’ आ जारिमिन सोरजिदों

नेटफ्लिक्स आरो सन्जय लीला भन्सालीनि ‘हिरामन्डी: दि डायमन्ड बाजार’ आ लन्विनि गिबि सप्ताहयाव बयनिखुइ बांसिन नायजानाय भारतरि सिरिज जाबाय। सन्जय लीला नि अटीटी डेब्यु सिरिजआ मुलुगनडैनो नायगिरिफोरनि गोसोखौ जै खालामनो हादों। एखे समावनो बे सिरिजआ सावरायगिरिफोर आरो सुबुंफोरनिफ्राय सावरायनाय मोन्दों नाथाय दासिमबो फारिआ अटीटीआव गादबजानाय। बेनि गेजेराव नेटफ्लिक्सआ बे सप्ताहयाव बयनिखुइ बांसिन नायजानाय इंगजि नडैआयदाफारि आरो सावथुनफोरनि फारिलाइ फोसावदों, जेराव ‘हिरामन्डी’ नि मुंआबो दंफायो। नेटफ्लिक्सनि बे फारिलाइआव ‘हिरामन्डी’ आ नैथि थाखोआव दड। बे फारिनि गिबि सप्ताहयाव बेखौ 4.5 मिलियन एबा 4.5 मिलियन खेब नुनो मोन्नाय जादों। नायगिरिफोर श्व’खौ नायनो थाखाय नेटफ्लिक्सआव 33 मिलियन एबा 3.3 कौटि घन्टा खरसा खालामदों। बे सिरिजआ रिलिजनि नैथि सप्ताहयाव नेटफ्लिक्सआव 12 मिलियन एबा 12 मिलियन नायजादों। बेबादि थासारियाव बेखौ मिजिं थिनाय जायोदि, फेबाय थानाय समाव ‘हिरामन्डी’ आ सानथौनि बिथिखव गोबां मुलाम्फा मोनो हागो। नायगिरिफोरनि बिथिखव ‘हिरामन्डी’ आ कपिल शर्मानि गोदान श्व’

# गाहाम देहानि राहा

## थालिर फिथाइआ जौनि देहानि थाखाय मुलाम्फा गोनां


थालिरखौ जौनि देहानि थाखाय मुलाम्फा गोनां होनानै जौ मिबथियो। बेयाव गोनांथार माखासे देरहोगा-लावहोगा गुणफोरखौ मोन्नाय जायो। थालिरआ इन्फेक्सन आरो बेरामफोरखौ फोजोबखानायावबो मदत खालामो। फारसेथिं ख’हा गोनां जिउसा आरो बेरामफोरजों जुजिनायाव देहाखौ मदत होयो। जौनि देहायाव बेराम होबथाया गोहो एबा इमिउनिटिआ गोखोडे थानाय गोनांथार। समाथाइ जागा आदार आरो गुबुन भिथामिननि आंखालआव जौनि देहाया लोरबां जायो। बेबादि माखासे जेनाफोराव थालिर जानाया मुलाम्फा गोनां। थालिरनिफ्राय मोनो हानाय मुवाफोर जादों- 1. थालिरजों बेराम होबथाया गोहोखौ बांहोनो हायो। थालिरआव गोबां बिबांनि केल’रि थायो आरो बिजों देहानि लिस्थायखौ बारायनो हायो। थालिरआव देरहोगा-लावहोगा गुननिफ्राय केल’रिया बांसिन थायो। बेयाव गोबां बिबांनि फाइबार आरो एन्टि अक्सिडेन्टबो मोन्नाय जायो।



थाइसे थालिरआव 112 केल’रि थायो आरो गाहायै थालिरआव दे आरो काबहाइड्रेट मोन्नाय जायो। सानफ्रोमबो थाइनै-थाइथाम थालिर जायोब्ला देहायाव लिस्थया गाहामै थायो। थालिर जानानै देहायाव गात्रि रोखोमनि मेजेमआ जमा जानानै थाया। 2. थालिरआव आबुं बिबांनि पटासियाम आरो मेगनेसियाम मोन्नाय जायो, जाय थै खारदिनायखौ सामलायनानै लाखिनायाव मदत खालामो। बेफोरो देहानि एलेक्ट्रोलाइटखौ दिदोमै लाखिनायावबो मदत होयो। मोनसे सम दान्नायनि बायदिब्ला जाय सुबुंफोरनाव पटासियामनि बिबांआ गोबां थायो बिनाव बिखानि बेराम जानो हाथावआ 27 जौखोन्दो बाडइसिन जायो। 3. थालिरआ जौनि उदैन थालिर

मोजं जागा आदार। थालिरआव फेक्टिनआ आबुडे थायो, जाय मोनसे गलिलांरा फाइबार आरो कलेस्ट्रॉलनि बिबांखौ बाडइ खालामनायजों लोगोसे गाहामै दोगोन जानायाव मदत होयो। थालिरआव मोनो हानाय फ्रि बायटिक गुणआ जौनि उदैआव थानाय मोजं भेक्टोरियाफोरखौ सांग्रं खालामनानै लाखियो। बेजों सर्थ सेनपेटि एसिड बायदि गुणफोर बांसिन जायो। 4. पटासियामजों आबुं थालिरआ किडनिखौ गाहामै लाखिनायाव मदत खालामो। मोनसे संदान्नायनि बायदिब्ला जायफोर सुबुड सप्ताहआव खमैबो खेब 4-6 थालिर जायो बिसोरनाव किडनीजों लोब्ला थानाय जेनाफोर जानो हाथावआ 50 जौखोन्दो खम जायो।

## हास्थायगिरिफोरा रणभिर सिंहनि गोजौ हिल्सखौ नुनानै जंखायदों



बलिउडनि फावखुंग्रि रणभिर सिंहखौ जेब्लाबो गोसो गुदुं नुनो मोनो। बे जाहोननि थाखाय बिखौ एनाजीनि न’बो बुंनाय जायो। थानाय मोनायावबो फावखुंग्रिखौ गावनि स्टाइलआव नुनो मोन्दोंमोन। हाबनायजों रणभिर सिंहआ बैयाव थानाय सुबुंफोर आरो पेपाराजीफोरनि गेजेराव रंजानायखौ आबुं खालामदोंमोन। फावखुंग्रिनि धनमुआव हाबनायनि मोनसे भिडिअ’बो नुजादों, जायखौ नुनानै सुबुंफोरनि नोजोरा बिथानि गान्नाय-जोमनायाव थाबथायो। गासैबो गुफुर् महाराव नुजानाय फावखुंग्रिनि जुथाफोरा सुबुंफोरनि गोसोखौ बोनो हादों। बेखौ नुनानयनि उनाव सुबुंफोरा बुडेदि, फावखुंग्रिआ बेफोरखौ दीपिका पादुकर्णनि आलमारिनिफ्राय खावदों। गिबि

भिडिअ’आव फावखुंग्रि रणभिर सिंहखौ लिफटनिफ्राय ओंखारनाय नुनो मोन्दों। बे समाव बिथाड गुफुर् साटिन शार्ट आरो ट्राउजार् आरो गोदोनायाव चकरजों लोगोसे गुफुर् गोजौ जुथाफोर गादोंमोन। रणभिरखौ जोबदो गोजौ थाखोनि महाराव नुनो मोन्नाय जादों नाथाय सुबुंफोरनि नोजोरा गले-गले बिथानि नोजोर गोनां आथिनि जुथायाव थाबाय थारदों। सासे सुबुड बिथानि जुथाखौ नुनानै लिदों, ‘बेयो दीपिकानिफ्राय खावनाय। बेजों लोगोसे गुबुन सासे सुबुड लिदोंमोनदि, दीपिकानिफ्राय दाहार लादों जानांगों। बे समावनो सासेया बुडेदि, बियो माबोरै हिल्स गान्नानै थाबायनो हायो। फैगो भिडिअ’आव रणभिर सिंहखौ रंजानाय आरो पेप्सजों पज होनाय समाव सावगारि

सेबखानाय नुनो मोनो। नोजोर होथावनादि, गिबि आरो नैथि भिडिअ’आव सासे सुबुड रणभिरजों लोगोसे मोनसे गिदिर स्पिकारजों थाबायगासिनो दं। जेराव फावखुंग्रिआ जेब्ला थांगासिनो दंमोन बै सुबुडबो बुंथिगिरिजों बिथानि उन-उन थांगासिनो दं। गोबां सुबुंफोरनि गोसोआबो बे बुंथिगिरिनि फारसे थांगासिनो दंदि, बेनि उन्निक्राय थांखिया मा। सासे सुबुड बुडेदि, बिथाड देखोनि गेजेरजों गावनि रंजानायनि थाखोखौ गोजौआव लाखिगासिनो दं। बे समावनो गुबुन सासे सुबुड बुडेदि, बेनिखायनो रणभिरखौ पावार हाउस बुंनाय जायो। रणभिर सिंहखौ थाबैनो अक्षय कुमार, करीना कापुर, टाइगर श्रफ, अजय देभगान आरो गावनि बिसि दीपिका पादुकर्णजों ‘सिंघम एगेन’ आव नुनो मोनगोन। बेनि अनगायैबो बिथांखौ ‘डन’ आव कियारा आडवाणीजों लोगोसे खामानि मावनाय नुनो मोनगोन। फावखुंग्रिनाव पाइपलाइनआव आरोबाव गोबां मावथांखिफोर दं। मख’नो गोनांदि, फावखुंग्रिआ थाबैनो बिफा जानो थांगासिनो।



दि ग्रेट इन्डियान कपिल श्व’खौबो बारलानायाव। कपिलनि श्व’आ एप्रिलनि गिबि सप्ताहयाव 2.5 मिलियन एबा 25 लाख नायजानायजों थामथि मासियाव दंमोन। बबेखानि श्व’नि नायगिरिफोरनि अनजिमाया 6 थि सप्ताहयाव 10 लाखसिम गोगलैदों। ‘हिरामन्डी’ खौ 43 हादरफोराव स्ट्रीम खालामनाय जादों। सन्जय लीला भन्सालीनि ‘हिरामन्डी’ आव मनीषा कइराला, सनाक्षी सिन्हा, अदिति राव हैदरी, ऋचा चड्ढा, शर्मिन सहगल, सन्जीदा शेख, फरदीन खान, ताहा शाह बडुशा, शेखर सुमन आरो अध्ययन सुमन बिथामोननि आखुनि बागै खौरां बिजोंआव दं।



# ग्लेसियारखौ खोमानांनाय भेजेजुएलाया गोदान मुगानि गिबिसिन हादतः रिपर्ट

काराकास, 9 मे : बिगियानगिरिफोर भेजेजुएलानि जोबथारनाय ग्लेसियारआ गिसिखानायनि उनाव बेखौ फिन बरफनि फोथार महराव बेखेवना दिन्धिदों। भेजेजुएलाया गोदान मुगायाव गावनि गासैबो ग्लेसियारफोरखौ खोमानांनाय गिबिसिन हादत जानानै फैदों। 1910 माइथायसिमाव खोला आमेरिकानि हादत भेजेजुएलायाव मोन 6 ग्लेसियार दडमोन। बेफोर ग्लेसियारआ 1 रोजा बर्ग किल 'मिटर जुथाइ ओन्सोलाव खोबनानै थादोंमोन। अदेबानि ग्लबेल हिट एबा मुलुगाना बिदुंआ बांसिन जाबोनायाव बियो ओरेबायदि गुगालांदोंदि, बेफोर ग्लेसियार महैर थाबाय थानायनि मान दान्दाफोरजों गोरबनो हायाखै। गासैबो मोन 6 ग्लेसियारआ सिआ नेभाडा डिमिरीडा हाजो मालारियाव दडमोन, जायनि गेजेराव मोन 5 ग्लेसियारआ 2011 सिमआवनो गोमालांदों। हम्बल्ट ग्लेसियारआ हादतनि नैथि बयनिखुइबो



जौसिन थिखिन आरो बेयो पिक' हम्बल्टनि साखाथियाव थानाय मोनसेल' ग्लेसियारमोन। बेबो आथिखालाव ग्लेसियार महैर गैलिया। मिडिया रिपर्टनि बायदिब्ला, सरकार जिय टर्मल ब्लेंके टखौ बाहायनानै ग्लेसियारखौ बनि सिगांनि महराव लाबोफिननो हानायनि आसा लादों। अदेबानि माखासे सुबुंफोर बे हाबाफारनि थाखाय

गोखैसिन गलिलांदों आरो आथिखालाव बेनि 2 हेक्टरनिबो खमसिन बाहागोयाल' दंसै। डा गार्जिएन्टिन् बायदिब्ला बोथोर बिगियानगिरि आरो बोथोर जारिमिनगिरि मेक्सिमिलियान' हेरेया बुंदों, गुबुन हादतफोर फिसा फिसा हिमयुग एबा ग्लेसियारआ गोमालांनायनि उनाव माखासे बोसोर सिगां गावसोरनि ग्लेसियारफोरखौ खोमाना लादोंमोन। नाथाय भेजेजुएलाया आथिखालनि गोदान मुगायाव ग्लेसियारखौ खोमानांनाय गिबिसिन हादत जानानै फैदों। इन्डेसिया, मेक्सिक' आरो स्ल'बेनियाआबो गावसोरनि ग्लेसियारखौ खोमालां गिसिनो दड होन्नाबो हेरेया बुंदों।

## पेटिएमनि स्टकआ बे बोसोराव 50 जौरवोन्डोनि बांसिन दावटब्लायदों

गोदान दिल्ली, 9 मे : वान 97 कमिनि के शन्स लिमिटेड (पेटिएम) मेनेजमेन्टनि जौसिन बिबानगिरिफोरा बिबान नागरनाय, पेटिएम पेमेन्ट बैंक लिमिटेड (पिपिबिएल) नि सायख'जानाय फालांगिफोरखौ आरबिआइनिफ्राय होबथानाय आरो ग्राहकफोरा लानाय लनि किस्टिखौ सुख'थैनि जाहोनाव माखासे शेयारि बैंकफोरनि लन गेरेंडिया जोबनायनि जाहोनाव बे बोसोराव पेटिएमनि शेयारआ 50 जौरवोन्डोनिफ्राय बांसिन दावटब्लायदों। एनएसइआव पेटिएमनि शेयारआ बुधवारखालि 5 जौरवोन्डोनिफ्राय दावटब्लायना मोनफ्रोम शेयारआव 317.15 राडव बन्द' जादों, जाय बेनि रेकर्डनि गाहाइसिन थाखायाव थिसन्तो मोन्नाय अन्जिमा। सिगांनि जारिमिनारि गाहाइसिन थाखाया 318.05 रंमोन, जायखौ 16 फेब्रुवारीखालि



थिसन्तो मोन्दोंमोन। बे समाव पेटिएमनि सामलायगा कम्पानी वान 97 कमिउनि के शन्सनि बाजार सेभंसआ 2.5 आर'ब डलार दावटब्लायदों। शेयार बाजारव लिस्ट जानाय समाव 2021 आव डिजिटेल पेमेन्ट कम्पानीनि सेभंसआ 20 आर'ब डलारमोन। बेनि उनाव लान्शियै शेयारनि बेसेनफोरा दावटब्लायबोयो। जर'खायै सोलिफु बोसोरनि जानुवारीयाव आरबिआइनिफ्राय पेटिएम पेमेन्टस बैंकनि माखासे सायख'जानाय फालांगिफोरखौ होबथानायनि उनिफ्राय बेनि

नागरनायनि उनाव बैसोर गागि बिबानगिरिफोरा गावसोरनि बिबान एबा मासिखौ नागरदों। भबेज गुप्तागाया गावनि गावयारि जाहोनफोरनि थाखाय केरियाआव ब्रेक लादों। बिथाड सोलिफु बोसोरनि जोबथासिम बोसोनगिरि महैर हाबा मावगोन। बिथांनि अनगायै खौरांनि बायदिब्ला बावैसो सिगांनि दानफोरव कम्पानी नागरनाय गुबुन गागि बिबानगिरिफोरनि गेजेराव पेटिएम पेमेन्टस बैंकनि एमडि आरो सिइअ सुरिन्दर चावला, वान 97 कमिउनि के शन्सनि बारग' फोसावदि बिबानगिरि सुमित माथुर आरो फालांगिनि गागि लेखइ बिबानगिरि प्रविन शर्माया गावसोरनि बिबानखौ नागरदोंमोन।

## आमेरिकायाव सा 3 सुबुंफोरखौ बुथारनायनि दायनिगिरिखौ आलादा रोखोमै थैनायनि साजा होगोन

मन्टेगमेरी, 9 मे : दायनिगिरिफोरो थैनायनि साजा होनायनि रोखोमफोरखौ दासिमाव गोबां खोनानो मोनबाय, जेराव फासि होनाय, गुलि गावनाय बयनिबो सिगांडाव अन्थाइजों खुबैये-खुबैयै बुथारनाय बायदिफोरा दड। नाथाय आमेरिकायाव सासे दायनिगिरिखौ ओरैबायदि थैनायनि साजा होनो थांखि लादों, जायनि सोमोन्दे जोबोद खम सुबुंफोरखौ' मिबथियो। आथिखालाव बेबायदिया आमेरिकायाव नैथि खेव जानो थां गिसिनो दड। नाथाय दायनिगिरिखौ थैनायनि साजा होनायनि सिगांनो आमेरिकायाव बेबायदि रोखोमै थैनायनि साजा होनाय थांखिखौ सावरयनाया जागायबाय। अदेबानि बुथारनाय जाथाइनि सासे दायनिगिरिखौ आमेरिकानि अलबामायाव नाइट्रजेन गेस सोनानै थैनायनि साजा होनाय जागोन। बे जाथाइनि सिगां राइज्योआव बेबाइदि रोखोमै गुबुन सासे दायनिगिरिखौ साजा होखांबाय आरो बेखौ गोबां सावरयनायबो



जादोंमोन। अलबामानि गभर्नरनि आइवेआ एलन इउजिन मिलारनि साजानि थाखाय फैगौ 26 सेप्टेम्बरनि अक्ट'खो थि खालामदों। मिलारखौ थांनाय 1999 याव सा 3 सुबुंफोरखौ बुथारनायनि दायनिगिरि हमदोंमोन। अलबामानि बिजिसालिया सप्तासे सिगां दायनिगिरिखौ नाइट्रजेन गेसजों थैनायनि साजा होनायनि सायाव गनायथि होदोंमोन, जायनि उनाव साजा होनायनि सायाव गनायथि होदोंमोन, जायनि उनाव गभर्नरआ साजानि अक्ट'खौ थि खालामदों। बेनि सिगां थांनाय जानुवारीयाव अलबामायाव केनेथ स्मिथखौ नाइट्रजेन गेसनि गेजेरजों साजा होदोंमोन। बियो गावनि साजानि

शेयारफोरा दावटब्लायदों। फारसेथिं बे समाव पेटिएमनि गोजौ बिबानगिरिफोरा बिबान नागरनायाबो सोलिदों। खौरांनि बायदिब्ला इउपिआइ एन्ड इउजर ग्राट भाटिकैलनि गाहाइ फालांगिनि बिबानगिरि (सिबिअ) अजय विक्रम सिंह, अफलाइन्स पेमेन्टनि सिबिअ बिपिन कल आरो कन्जुमार पेमेन्टनि सिबिअ सन्दिपन कास्थबआ सोलिबाय थानाय आफाद दाफिन्नायनि गेजेरजों गावसोरनि मासिफोरखौ नागरदों। पेटिएमनि सिअअ भबेज गुप्ताया हरखाबै बिबान

## डब्लिउडब्लिउनि स्टार केन

गोदान दिल्ली, 9 मे : मुंदांखा रिसलार केन आरो आन्डार टेकारआ डब्लिउडब्लिउनि फोथारआव बयजोंबो सिनायजायो। बिसोर सानैबो रिसलारआ गावसोरनि समाव डब्लिउडब्लिउइआव दोहो लाबोदोंमोन। जेराव सानैबो माखासे बोसोरसिम टेग टीमनि हान्जायावबो दडमोन। बिथांमोननि बे हान्जाखौ ब्राडार्स अफ डिस्ट्राक्सन मुंजोंबो मिथनाय जायो। रिपर्टनि बादिब्ला, आन्डार टेकारनि आर्जिनाया केननिफ्राय गोजौसिनआव दड। 6 फुट 10 इन्सि गोजौ आरो 140 कि:ग्रा: लिरथायनि आन्डार टेकारआ आमेरिकानि टेक्सास सहरआव थानाय अस्टिनआव गावनि समखौ हगारनानै दड। बिथाड टेक्सासआव गावनि बिसि मिसेल मेकुलजों गावनि समखौ बारहोनानै दड। आन्डार टेकारनि रिसलिं केरियारआ

# बाइडेनआ नेतान्याहुनो गोखौ सांग्रांथि होदों

वाशिंटन, 9 मे : आमेरिकानि हादतगिरि ज' बाइडेनआ नेतान्याहुनि सायाव खुद्रिखंदों। राफाहयाव इज्राइलनि सान्श्रिफोरखौ थिसन्नाय आरो बे शहरखौ गाजा बाइदि गाग्लोबनायाव सिलिंखार खालामनाय बिथांखिजों बाइडेननि खर'आ गरम जादों। आथिखालाव आमेरिकानि हादतगिरिआ इज्राइलनि पिएम बेन्जामिन नेतान्याहुखौ गोखोडै सांग्रांथि होनानै बुंदोंदि, जुदि आथिखालाव आइडिफएआ राफाहयाव गाग्लोबोब्ला आमेरिकाया इज्राइलनो हाथियारफोरखौ जगायना होनाय नंलिया। आमेरिकाया गावसोरनि हाथियारफोरखौ राफाहयाव गाग्लोबनो थाखाय बाहाय होनाय नड होन्ना बाइडेनआ बुंदों। सुलुंनि बाइदिब्ला,



राफाहखौ गाजायाव हामासनि गाहाइ गढू महैर गनायना लानाय जायो आरो बेयाव 10 लाखनिखुइ बांसिन सरसनस्त्रा नोगोरिफोर अस्त्रय लानानै दड। अदेबानि आमेरिकाया हामासनि हेंथायै दावहायाव इज्राइलनो गोबां सान्श्रियारि हेफाजाब होदों। हामासनि फार्सेनफ्राय थांनाय बोसोरनि 7 अक्ट'बराव इज्राइलनि सायाव गाग्लियै गाग्लोबनायनि उनाव आमेरिकाया इज्राइलनो होबोबाय थानाय

## नकियानि 25 बोसोर गोजाम फनखौ 4 जि कनेक्टिभिटीजों गोदान महरआव लाबोफिनबाय

गोदान दिल्ली, 9 मे : नकियाआ गावनि 25 बोसोर सिगां लन्च खालामनाय आइकनिक फनखौ गोदान फिचार्सजों लन्च खालामदों। नकियानि बे फिचार फनआव 4 जि नेटवार्क, इउटुब सर्टस बायदि फिचार्सखौ मोन्तो हागोन। बेनि अनगायै बे फननि लुकआव गिदिरे सोलायनाय लाबोदों। नकियाआ बावैसो सिगां इउटुब सर्टस आरो 4 जि कनेक्टिभिटी सापर्ट गोनां मोन 3 स्मार्टफन नकिया 215, नकिया 225 आरो नकिया 235 लन्च खालामदों। नकियानि बांसिनै फान्तो हानाय फनफोरनि गेजेराव मोनसे नकियाआ 3210 (2024) नि फिचार्सनि बागै दिने मिबथिहोना लादों। कम्पानीया नकिया 3210 खौ 1999 माइथायाव लन्च खालामदोंमोन। बे फनआ 25 बोसोर आबुं जानायनि उनाव एइचएमडिया बेखौ मोनसे गोदान महराव लन्च खालामदों। नकियानि बे 4 जि फिचार



फनखौ मोन 3 गाब वाइ 2 के गलड युन्ज ब्लेक आरो स्कुबा लबुआआव बायनो हायो। बेनि बेसेनखौ 89 इउर' (8,000 रं) थि खालामनाय जादों। नकिया 3210 (2024) आव 2.4 इन्सिन किउ भि जि ए डिस्पले होनाय जादों। बे फनआ इन्सिक टि 107 प्रसेसरआव खामानि मावो। बेजों लोगोसे 64 एमबि रेम आरो 128 एमबि इन्टारनेट स्टरेजनि सापर्ट मोनगोन, जायजों माइक्रएसडि कार्डनि गेजेरजों 32 जिबिसिम बांनो हागौ। नकियानि बे फनआ

लाइटबो होनाय जादों। बेनि अनगायै बे फनआव एफएम रेडिअ, एमपि 3 प्लेयार क्लाउड एप्स सापर्ट मोन्तो हायो। बेनि अनगायै नकियाआ मोनसेबाव 4 जि फिचार फन नकिया 220 4जिबो लाबोदों, जाय नकिया 3210 (2024) बायदि फिचार्सखौ लाबोदों। बे फनआव 2.8 इन्सिन किउ भि जि ए डिस्पले होदों। नाथाय बेयाव बेक केमेरा होयाखै। नकियानि बेफोर फनखौ भारतआव मोन्नाय नड आरो थाबैनो बेखौ भारतआव लाबोनो हागौ।

## जेम्स वेब टेलिस्कपआ 55 सेन्क्रि मुंनि एक्सप्लेनेट संदान्ना दिहुन्दों

गोदान दिल्ली, 9 मे : बिगियानगिरिफोरा बुहुमनि अनगायै गुबुन बबेयावबा जिउनां थांना थानायनि मख'जाथाव मोनसे संदान्नामै मोन्दों। बिथांमोनहा सान मन्डलनि बायजोआव मोनसे ओरैबायदि ग्रह' मोन्दों जेराव बारमन्डल दड। 55 सेन्क्रि इ मुंनि बे एक्स प्लेनेटआ बुहुमनिफ्राय 41 सोरां बोसोर गोजानाव दड। आमेरिकानि स्पेस एजेन्सि नासानि टेलिस्कपआ बे ग्रह'आव बारमन्डल थानायखौ संदान्ना दिहुन्दों। सुपार आर्ट होन्ना बुंजानाय बे ग्रह'आ बुहुमनिफ्राय 2 गुण देरसिन नाथाय बेनि घन एबा रोजाथिया बुहुमनिफ्राय खमसिन। 55 सेन्क्रि इआ बै थरबा संदान्ना मोन्नाय



ग्रह'फोरनि गेजेराव मोनसे जाय कर्क हाथखि मन्डलआव सान बायदि नक्षत्र एबा हाथखिखौ सोरगिदि गिदिडो। नेसार जार्नेलआव सेबखानाय स्टर्डिनि बायदिब्ला 55 सेन्क्रि इनि बारमन्डलआव कार्बन-डाइ-अक्साइड आरो कार्बन मन'अक्साइडनि रोजा थोफों दड। अदेबानि बबे ग्रह'नि बिबांआ बांसिन दडबेखौ रोखायै मिबथिनो हानाय जायाखै। मख'जाथावदि, बुहुमनि बारमन्डलआव नाइट्रजेन, अक्सिजेन, अजन आरो गुबुन गेसफोरा गोरबनानै दड। एस्ट्र पिजिसिस्टआ 55 सेन्क्रि इखौ सुपार आर्टनि केटेगियाव दोन्दों। बेनि ओंथिया जादों बेयो बुहुमनिफ्राय देरसिन नाथाय भरुननिफ्राय फिसासिन।

बे ग्रह'नि सा बाहागोया मेग्मा महासागरजों खोबजानाय। बेनि बारमन्डलखौ संदान्ना थाखाय जेम्स वेब टेलिस्कपआ ग्रह'नि हाथखिखौ बारलांनयनि सिगां आरो उनावबो नोजोर लाखिनाय जादों। ग्रह' आरो हाथखिनिफ्राय ओंखारनाय सोरांखौ रुजुना नायनाय जादों आरो बे डायनिफ्राय ग्रह'नि बिदुंखौ हमदांना दिहुन्दों। ग्रह'नि बिदुं एबा गरमा बेनि सा बाहागोयाव समानै गोसारना थानायनि फोरमान मोन्तो हादों। बे सुपार आर्टखौ स्टार्डि खालामनायनिफ्राय बुहुम आरो मंगल ग्रह'आ माबोरै सोमजिखोंदों बेनि बागै मिबथिनो हागोन होन्नाबो बिगियानगिरिफोरा आसा खालामदों।

## आरो आन्डार टेकारनि आर्जिनाया बयखौबो सोमो नांहोदों

गोलाव समसिम सोलिदोंमोन। जेराव बिथाड 30 बोसोरसिम रिसलिंनि केरियारआव गावनि समखौ बारहोदों। बिथांनि नेटवर्कनि बाथा बुडेब्ला बिथाड 81 कौटि रंनि बिगोमा जानानै दड। बिथांनियाव बेन्टली कन्टेन्टेल् जिटि, जिप रेलार रबिकन, केडिलेक एटिएस बायदि बेसेन

गोसानि गारि आरो हार्लि डेभिडसननि गुबुन गुबुन मडेलनि गंभ्रे बाइकफोरखो दड। आन्डार टेकारनाव गासै गं 16 कारफोर दड। केननि बाथा बुडेब्ला बिथानियाव भारतीय रंआव लायोब्ला 74 कौटिनि खाथियाव थाहैयो। 1995 आव प्रमसनआव हाबनायनि उनिफ्राय बिथाड खेबथाम वर्ल्ड सेम्पियनसिपनि बिमुं देहाबाय। 1990 जौथायनि जोबनायाव आरो 2000 माइथायनि जागायजेन्नायाव डब्लिउडब्लिउएफनि एटिउट इगआव बिथाड गावखौ मुंदांखा खालामनो हादोंमोन। बिथाड गावनि टैग टीमजें ज'खा दिन्धिफुनायनि थाखाय मिथिजायो। जेराव गावनि केरियारआव बिथाड मुंदांखा रिसलारफोरखौबो फेजेन्दोंमोन। सोलिफुसमावबो बिथाड रिआव ओंखारे। नाथाय सिगांनि बादि गोखौ फर्मआव दिन्धिफुनायखौ नुनो मोनला।



## रियेल माद्रिद आ इउएफए सेम्पियन्स लीगनि फाइनालाव सौहैबाय

माद्रिद, 9 मे: रियेल माद्रिद आ इउएफए सेम्पियन्स लीगनि फाइनालाव सौहैबाय। माद्रिदनि हान्जाया 9 मे खालि सेमिफाइनालनि नैथि लेगआव बेयान मिउनखखौ 2-1 गलआव फेजेनाने बिमुनि फासे आवगायो। बे देरहानायजो मोननैबो लेगखौ लानाने माद्रिदनि स्करआ 4-3 आव सौहैयो आरो बेजो फाइनालाव जायगा मोनो। बेनि सिगां सेमिफाइनालनि गिबि लेगआव मोननैबो हान्जाफोरा 2-2 गलआव डू मेच गेलेदोमोन। खेब 14 इउएफए सेम्पियन्स माद्रिद आ फाइनालाव फेगौ 1 जुनखालि बेम्बलिआव डर्टमुनि हेंथायै ओंखारगोन। माद्रिदनि थाखाय गरनैबो गलखौ जश लुइस माट(जशेलु)आ सोयो आरो गुबुन फासे मिउनखनि थाखाय गरसे गलखौ डेभिचआ



सोदोमोन। मोननैबो हान्जाफोरा गिबि हाफसिमआव समान स्करआव दडमोन। मेचनि 68 मिनिटआव मिउनखनि डेभिचआ गल सोजेनाने हान्जाखौ 1-0 स्करिआव आवगायोहोदोमोन आरो फाइनालनि लामाखौ रोखा खालामदोमोन। बिथाडा सेन्टर सार्कलआव लोगो गेलेगिरि

केनि अगिसनिफ्राय हरनाय पासखौ गल सोनाने हान्जाखौ आवगायोहोजेदो। नाथाय मेचनि 88 मिनिटआव जशेलु आ एन्टीन रुडिगरनि पास हरनाय बलखौ सोनाने हान्जाखौ समानआव लामोफोनो। जशेलुनि बे गल सोनाया मेचआव माखासे दावरव-दावसि खालामदोमोन। मानोना जागायनाय समाव बे

गलखौ अफसाइड फोसावनाय जादोमोन। नाथाय भिडिअ रेभिजनि गेजेरजो बे गलखौ रोखा खालामफोनो। बिथाडा हान्जानि थाखाय नैथि गलखौ 91 मिनिटआव सोनो हारो आरो बे स्करिखौ माद्रिद आ जोबनायसिम लाखिनाने फाइनालाव सौहैदो। गिबि लेगआव गेलेनाय

सेमिफाइनालाव मोननैबो हान्जाफोरा 2-2 गल सोलायदोमोन। बेबादि थासारिआव मोननैबो लेगखौ लानाने माद्रिदनि गलआ 4 जाहैयो आरो बेयान मिउनखआ 3 गलआव थाहैयो। राउन्ड अफ 16 निफ्राय लानाने सेमिफाइनालसिम बादायनाय खेबने लेगआव खुंजायो। 1-1 मेचखौ मोननैबो क्लाबनि नख'रि फोथारआव गेलेनाय जायो। जेराव मोननैबो लेगआव सोनाय गलखौ ज' खालामाने बांसिन स्करिनि हान्जाखौ देरहानाय फोसावो। मुलुगनि देरसिन फुटबल लीग सेम्पियन्स लीगनि बेयो 32 थि सिजन। जेराव बे सिजननि बिमुनि मेचआ फेगौ 10 जुनआव जाहैगोन। बे लीगआ 1955-56 आव जागायदोमोन अब्बा बेखौ इउएफए सेम्पियन्स अफ फुटबल एस'सिएसनजो खुं जानाय लीगनि मुडै इउएफए सेम्पियन्स काप बुंजाय जायोमोन। 1992 आव बेनि मुंखौ सोलायनाने इउएफए सेम्पियन्स लीग खालामनाय जायो। जेराव बे दुनामेन्टनि खेबफोमोमे सिजनआव मोन 32 हान्जाफोरा बाहागो लायो। जायखौ मोन 8 गुपफोराव रानाय जायो।



गोदान दिल्ली, 9 मे: एसियान गेम्सआव ब्रन्ज मेडल देरहानाय किशर जेनाआ डाइमन्ड लीगआव बाहागो लागोन। बिथानि साबसिन दिन्थिफुनाया दासिमाव 87.54 मिटर जानाने दड। जेराव निरज चप्रानि साबसिन दिन्थिफुनाया नेसनेल रेकर्डजो 89.94 मिटर जानाने दड। अलिम्पिक सेम्पियन निरजआ शुक्र बारनिफ्राय जागायनाय डाइमन्ड लीगनि गिबि लेगनि गेजेरजो पेरिस अलिम्पिकनि थाखाय गावनि थियारिखौ जागायसिगोन। सोलिफु वर्ल्ड एसियान गेम्सनि सेम्पियन भारतनि जेभलिन स्टर चप्रआ बे समाव बारा' वर्ल्ड सेम्पियन ग्रेनेडानि एन्डरसन पिटास आरो अलिम्पिकनि अनगायैबो वर्ल्ड सेम्पियननि मेडेलिस्ट चेक रिपब्लिकनि याकुब वालेशनि सेलेन्जआव ओंखारगोन। एसियान गेम्सआव सिलभार मेडेल देरहानाय भारतनि किशर जेनाआबो गोखोडै दिन्थिफुनो नाजागोन। इउएफए सेम्पियन जार्मानि जुरियन वेबारआबो लीगआव बाहागो जागोन। बेनि उनाव बे लीगनि नैथि लेगआ फेगौ 19 मेनिफ्राय मरक्क'आव जागायगोन। मख'नो गोनांदि,

2022 आव बेयावो 90.88 मिटर जान्थाय खुबैदोमोन। मख'नो गोनांदि, चप्रआ बे लेगनि मोनथाम गुबुन गुबुन सिजनआव देरहाखां बाय आरो 2022 आव सेम्पियन्स टूफीनि बिमुबो देरहादो। बेनि उनाव चप्रआ बे खेबआवसो 3 बोसोरनि उनाव बाहागो जाफिनिसिगोन। निरजआ 12-15 मेनि गेजेरआव भुबनेस्वरआव खुंजानो गोनां नेसनेल फे डारेसन काप सिनियर एथलेटिक्स सेम्पियनसिपआवबो बाहागो जागोन। जेराव बिथाडा जेनानि सेलेन्जआव ओंखारगोन। हौवाफोरनि क्वालिफाई राउन्डनि जेभलिन खुबेनाय इभेन्टआ 14 मेआव जागायगोन आरो फाइनालआ अखानायै थामहिनबा 15 मेखालि खुंजागोन।

## अरेन्ज केपनि रेसआव उन-सिगां जानायखौ नुनो मोन्दाब्लाबो कहलीआ दिदोमै दड

गोदान दिल्ली, 9 मे: आइपिएलनि सोलिफु सिजनआव हान्जा आरो गेलेगिरिफोरनि गेजेराव उन-सिगां जानायखौ नुनो मोनगासिनो दड। माखासे हान्जाफोरा पइन्टनि फारिलाइआव मोजां मासिआव जायगा मोनाने प्लेअफआव सौहैनाय लामाखौ खां खालामनो हारोब्ला, गुबुन माखासेफोरा प्लेअफनि थाखाय गोखो सेलेन्ज होगासिनो दड। बेबादि थासारिनि गेजेरावो लखौनि हान्जाखौ फेजेनाने सानराइजार्स हाइड्राबादआ आगानसे आवगायदो। सोलिफु लीगनि बे सिजनआव बयनिबो बांसिन रान लानायनि फारिआवबो उन-सिगां जानायखौ नुनो मोनगासिनो दड। थामहिनबा



अरेन्ज केपनि रेसआव गेलेगिरिफोरा सेलेन्ज होन्त्यागासिनो दड। अब्बाबो आरसिबिनि भिराट कहलीनिफ्राय गिबि मासिखौ रावबो सेख'फिनो हाथ'याखै। सोलिफु आइपिएलआव गेलेनाय खेब 11 मेचआव कहलीआ 542 रान लाबाय। जायनि फारिआव बिथाडा खेबने हाफ सेन्सुरि आरो खेबसे सेन्सुरि लाबाय। नैथि नम्बरआव

जायनि फारिआव बिथाडा खेबने हाफ सेन्सुरि आरो खेबसे सेन्सुरि लाबाय। अरेन्ज केपनि मेचआव सन्नु सेमसनआ 471 रानजो त्रैथि नम्बरआव जायगा मोनो। जेराव बिथाडा खेब 11 मेचफोराव खेबसे सेन्सुरि आरो खेब 5 हाफ सेन्सुरि लाखां बाय। मख'नो गोनांदि, सुनिल नारायनआ केके आरनि जानाने नम्बर 1 आव बेटिं खालामो। बिथाडाबो मुंदांखा बे टस मेन फोरखौ गाखलायनाने बाधि मासिआव जायगा मोनाने दड। बेबादि थासारिआव टप 5 बेटसमेनफोरनि गेजेराव मेच जोबनायसिमआव गोखो सेलेन्ज होन्त्यायनायखौ नुनो मोनो हागो।

सिएसकेनि केप्टेन ऋतुराज गायकवाडआ 1 राननि फारागआव जायगा मोनाने दड। थामहिनबा बिथाडाबो खेब 11 मेचफोराव 541 रान लाबाय। जायनि फारिआव गायकवाडआ खेबसे सेन्सुरि आरो खेबने हाफ सेन्सुरि लादो। एसआरएइसनि मुंदांखा बेटसमेन ट्रेबिच हेडआ थामथि नम्बरआव दड। बिथाडाबो खेब 11 मेचफोराव 533 रान लाबाय।

## पेरिस अलिम्पिकनि थाखाय क्वालिफाई जानाय गेलेगिरिफोरा गावसोरनि मोन्दांथिखौ फोरमायदो



गोदान दिल्ली, 9 मे: पेरिस अलिम्पिकनि थाखाय भारतनि आइजो 4 x 400 मिटर रिले हान्जाया क्वालिफाई जाखां बाय। रुपलचौधुरी, ज्यतिकानि दान्दिस्त्रि, प्रासि आरो हौवाफोरनि केटोरिआव राजिब अरकियाआ क्वालिफाई जाखांनारनि उनाव गावसोरनि मोन्दांथिखौ फोरमायदो। बिसोर साब्रेआ बाहमासनि नासाअआव जालानाय वर्ल्ड एथलेटिक्स रिलेआव गावसोरनि क्वालिफाई हिटआव नैथि नम्बरआव जायगा आवग्रिदो। रुपल चौधुरीआ खौरांगिरिनि सौंथिआव अलिम्पिकनि थाखाय क्वालिफाई जानायखौ जर'खा मोन्दांथिनाय फोरमायदो। लोगोसे गावसोरनि क्वालिफाई जानायनि सायाव गोमगानाय मोन्दांथि फेनायखौ फोरमायो। जागायजेनायाव थामहिनबा क्वालिफाईआव गावनि गाब्रायनाय गोसोखौ फोरमायनाने उननि समाव गावनि गावयारि फोथायनायजो मोजां ट्रेकआव थानो

हानायखौ फोरमायो। लोगोसे जाफूसारनायनि उनाव अलिम्पिकनि थाखाय गावसोरनि नोजेर लाखिनायखौ फोरमायो। ज्यतिकानिआबो हौवाफोर आरो आइजोफोरनि हान्जाफोरनि अलिम्पिक क्वालिफाई जानायखौ लानाने गोजोन्नाय फोरमायो आरो गावसोरनि मोजां फर्मजो अलिम्पिकआव मेडेलनि थांखिजो बाहागो जागोनखौ फोरमायो। बे समाव फ्रासिआ अलिम्पिकनि थाखाय क्वालिफाई जानायखौनो गावसोरनि मोनसे थांखिमोन होना फोरमायनाने बेनिफ्राय गोजोन्नायजो पेरिस अलिम्पिकआव आरोबाव साबसिनै दिन्थिफुनो नाजागोननि खोथा होदो। बे समाव बिथाडा सरकार, भारतीय गेलेमु बिफाननि सामलायगिरिफोर आरो एथलेटिक्स फे डारेसन अफ इन्डियानिसिम साबायख'र हरो। लोगोसे हादरनि बेफोर बादि बिबानगिरिफोरनि नोजेर होनायवो बाहमासआव गावसोरनि मोजाडै सौहैनो हानायखौ बाखायो। राजिब अरकियाआबो क्वालिफाई जानायनि सायाव गावसोरनिफ्राय गोजोन्नाय फोरमायो। लोगोसे गावसोरनि मोजां फर्मखौ उननि समावबो लाखिगोननि खोथा होयो। बे समाव बिथाडा क्वालिफायारआव गावसोरनि दिन्थिफुनो हानायखौ गोजोन्नाय फोरमायनायजो गावसोरनि टाइमिआव सुद्रायनो नाजागोननि गोनांथि फोरमायो। लोगोसे अलिम्पिकआव मेडेल देरहानायनि थाखाय गावसोरनिफ्राय साबसिनै दिन्थिफुनाय होगोननि फोथायथि होयो।

## हार्दिक पन्डियानि मुडाव गाजि रेकर्ड थिसन जादो

गोदान दिल्ली, 9 मे: मुम्बाइ इन्डियान्सनि हान्जाया सोलिफु आइपिएलआव गिदिर सोलायनायजो ओंखारदो। जेराव हान्जाया खेब 5 सेम्पियन जाखानाय केप्टेन रहिट शर्मानि जायगायाव हार्दिक पन्डियाखौ केप्टेन सायख'नाने कामान्डखौ बिथानि आखाइआव गथायदो। नाथाय मुम्बाइनि थाखाय हार्दिक केप्टेन सामलायनायखौ सोलिफु समाव गोब्राब थासारियाव नुहरो। मानोना बिथानि हान्जाया प्लेअफ रेसनिफ्राय जानगारनांदो। बेनि सिगां पन्डियाआ गुजराट

टाइटान्सनि थाखाय खेबने सिजनआव केप्टेन सायख'जादोमोन आरो खेबने यावबो हान्जाखौ फाइनालसिम सौहैहोदोमोन। बेनि अनगायै बिथाडा हान्जाखौ खेबसे सेम्पियनबो खालामदोमोन। मुम्बाइनि हान्जाया आइपिएलनि जासिमिनआव नैथि खेब बयनिबो सिगां प्लेअफनि रेसनिफ्राय जायखारनांदो। बेजोनों हार्दिक पन्डियाआ मुम्बाइनि नैथि एरैबादि केप्टेन जानाने फेबाय। जाय बयनिबो सिगां हान्जाखौ प्लेअफनिफ्राय जायखार होदो।



बेनि सिगां 2022 आव रहिटनि केप्टेनआवबो हान्जाया बयनिबो सिगां प्लेअफनिफ्राय जायखारदोमोन। नाथाय रहितनि मुडाव खेब 5 टूफी देरहानाय

लाबोदो। मुम्बाइआ सोलिफु सिजनआव गेलेनाय खेब 12 मेचनि गेजेराव खेबने ल' देरहादो। गासै खेब 8 मेच जेनायनि गेजेराव मुम्बाइआ थानाय खेब 5 मेचनि गेजेराव खेबने मेचआव जेनांदो। जाउनाव हान्जानि नेट रान रेडआ -0.212 आव थाहैयो। बेगनरेडजो हान्जाया पइन्टनि फारिलाइआव गुथि नम्बरआव जायगा मोनो। नाथाय बेनि उनाव गुजराट टाइटान्सनि हान्जाया खेब 11 मेचआव खेबने देरहानाय आरो खेब 7 जेनायजो जोबथायाव जायगा आवग्रियो।



अलिम्पिकनि थाखाय भारतनि थियारिआव बेयो मोनसे गोनांथार बादायलायनाय जागोन आरो गाहाइ कच क्रेग फुल्टननो दिन्थिफुनाय आयदानि थाखाय हान्जाखौ थियारि खालामनो खाबु होगोन। भारतनि हान्जाया गावसोरनि ग्राउन्डयाव अस्ट्रेलियायनि हेंथायै खेब 5 जेरेस्टनि सिरिजआव 0-5 जे

## प्लेअफआव सौहैनोब्ला लखौनि हान्जाया माखासे हाबा मावनांगोन

गोदान दिल्ली, 9 मे: टी-20 क्रिकेटनि फोथारआव बांसिन समावो 10 उइकेटजो मेच देरहानायखौ नुनो मोनबाडा। आइपिएलआव जालानाय खेबसे मेचआवबो बेबादियैनो मोनसे मेचखौ नुनो मोन्दो। पेट कमिन्सनि केप्टेनआव सानराइजार्स हाइड्राबादआ केएल राहुलनि केप्टेनआव दैदेनजानाय लखौ सुपार जइन्सखौ 10 उइकेटजो गाज्रियै फेजेदो। बेनि उनाव एलएसजि हान्जानि प्लेअफआव सौहैगोननि सायाव सौंथि सिखांदो। लखौ सुपार जइन्सनि हान्जाया दासिमाव सोलिफु बोसोरनि आइपिएलआव खेब 12 मेच गेलेबाय। बेनि गेजेराव हान्जाया खेब 6 मेचआवले' देरहादो। आरो बेजो हान्जानि पइन्टआ 12 आव थाहैदो। पइन्टनि फारिलाइआव बे हान्जाया 6 थि नम्बरआव जायगा मोन्दो। हाइड्राबादनि हेंथायै गेलेनाय मेचनि सिगां बे हान्जानि थासारिआ मोजांसिनआव दडमोन। नाथाय लखौनि हान्जाजो जेनायनि उनाव बे हान्जानि थासारिआ गाजिसिनआव सौहैदो। लोगोसे हान्जानि नेट रान रेडआबो गाजिसिनै गोरलैदो। आधिखालाव बे हान्जानि नेट रान रेडआ -0.769 आव दड।

एलएसजिआ खेबने आद्रा मेच गेलेनांगौ दंबावो। खेबसे मेचआव बे हान्जाया दिल्लीनि हेंथायै गेलेगोन आरो गुबुन मोनसेआव मुम्बाइ इन्डियान्सनि हेंथायै गेलेगोन। मख'नो गोनां बाभ्रादि, बे खेबनैबो मेचखौ हान्जाया नख'रि फोथारआव गेलेनो मोननाय नड। दिल्लीनि हेंथायै गिबियाव बे हान्जाया दिल्लीनिनो अरुन जेठली स्टेडियमआव गेलेगोन आरो मुम्बाइनि हेंथायै मुम्बाइनि वन्के डे स्टेडियमआवनो गेलेनांगोन। सरासन्धायै बे हान्जानि गासैबो गेलेगिरिफोरा बांसिन स्टेडियमआवनो गेलेखांबाय। नाथाय नख'रि फोथारआव हान्जानि गोहोखौ साबसिनआव नुनो मोनो। लखौनि हान्जाया प्लेअफआव सौहैनायनि थाखाय गावसोरनि आद्रा खेबनैबो मेचखौ गिदिर स्करिनि फारागआव देरहाहोनां गोन। बेबादि देरहानायजो हान्जाया 4 पइन्ट मोनगोन आरो नेट रान रेडआबो आवगायफिनगोन। बेबादि

## हकी प्र लीगनि थाखाय भारतनि सा 24 सोद्रोमानि हान्जाखौ फोसावबाय

गोदान दिल्ली, 9 मे: एफआइएस हकी प्र लीगआ 22 मेनिफ्राय जागायगोन। बेनि थाखाय भारतनि सा 24 सोद्रोमानि टीमखौ इउएफए लीगनि थाखाय फोसावनाय जाबाय। भारतनि हान्जाखौ हरमनप्रीत सिंहआ दैदेनगोन। भारतआ इउएफए लीगआव खेब 8 मेचफोर गेलेगोन। बे समाव मोननै मेचआ आर्जेन्टीना, बेल्जियम, जार्मानि आरो ग्रेट ब्रिटेननि हेंथायै जागोन। गिबि लीगआ 22 निफ्राय 30 मेसिम बेल्जियामनि एन्टवर्पआव खुंजागोन फारसेथि नैथि लीगआ 1 निफ्राय 12 जुनसिम लन्दनयाव खुंजागोन। फेगौ 26 जुलाइनिफ्राय जागायजेन्नाय पेरिस

जानायनि उनाव बे टुनमेन्टआव बाहागो लागोन। भारतआ आधिखालाव प्र: लीगनि फारियाव खेब 8 मेचनिफ्राय 15 पइन्टजो थामथि मासियाव दं। नेडारलेन्डआ 12 मेचफोराव 26 पइन्टजो सेथि मासियाव दं, जेराव अस्ट्रेलियाया दाइन मेचनिफ्राय 20 पइन्ट मोनो हारदो।